





人
皇
孫
孫
皇



金璫珠琅





敘

宋考据金石文字者其傳有歐陽氏趙氏洪氏董氏凡數家之所證引其疎密短長今姑無暇衡推而論其六體要必以番易爲最善蓋三家或偶舉一義或偏撮數言而唯隸釋之作則全寫其文亦悉摹其形闕者具著其所闕多寡之數雖灼然可知其爲某字者亦勿之益後之人撫其遺文而讀之則時代之升降文章之淳漓字畫之正變事迹之詳略體式之異同雖去其



人千載之遠而其面貌若可彷彿而得但謂可資以質正史傳此猶屬一隅之論也明人南濠都元敬氏亦著一書名曰金薤琳琅所錄一以洪氏爲法而以所及見者爲斷蓋都氏生後於洪又數百年愈遠則剝泐愈多固其理也嘗見薛尙功鄭漁仲所載石鼓文班班可讀豈當時果能完備若斯哉又如瘞鶴銘邵興宗張子厚之流亦各以意屬讀故彼此差齟而莫能相一競逞私智妄爲附益則何以取信於後識者病

焉都氏固無此失所微不足者其點畫不能悉依本文而每易以近體且間有不審致譌者故諸家徵引其書而亦不恕其誤吾鄉汪子荻洲家有此書惜其致力之勤而以微眚爲累於是取所藏石刻自獵碣而下字字比較一還其本眞亦有洪氏闕而今本有者吾始亦疑之復取其搨本參對果不誣蓋搨本容有精獮之不同而且一經翦裁并先後亦有不能盡合者今則取而悉正之且明著其說甚矣汪子之爲功於

都氏者非淺淺也世所傳鐵網珊瑚亦云出自元敬近年以來有爲之板行者顧謬加改易舛譌顛錯至不可讀於所集趙希鵠何良俊盛世泰諸人之書復一槩抹掇而以爲都所自著蓋余所見雕本之書無有若此之荒唐者夫同一都氏所著而其謬若彼其精若此殆有舛不舛焉古云傳之其人信乎傳之不得其人猶弗傳也若汪子者信其人也夫刻旣成舛數語於首實爲是書慶所遭云

乾隆四十三年季冬月吉東里盧文弨書

漢劉四十三平卒冬月吉東里亂文昭書

金薤琳琅目錄

卷一

周壇山石刻 穆王

周石鼓文 宣王

卷二

秦嶧山刻石 始皇廿六年

秦泰山刻石 無年月

秦會稽刻石 始皇卅七年

秦之罘刻石 無年月

秦琅邪臺刻石

始皇廿八年

秦詛楚文

無年月

案此惠文王時應在始皇嶧山諸刻石前但此文後

出都氏亦頗有疑辭故置卷末耳下漢諸碑亦不盡依世年為次考洪氏隸釋亦然今悉仍其舊唯趙氏金石錄次第為不紊云

卷三

漢魯相置孔子廟卒史碑

桓帝永興元年六月

漢魯相晨孔子廟碑

靈帝建寧元年四月

漢魯相晨孔子廟後碑

靈帝建寧三年三月

漢魯相造孔廟禮器碑

桓帝永壽三年九月

韓勅碑陰

漢泰山都尉孔宙碑

桓帝延熹七年二月

門生故吏名

卷四

漢博陵太守孔雚碑

靈帝建寧四年六月

孔雚碑陰

漢司隸校尉魯峻碑

靈帝熹平二年四月

魯峻碑陰

漢北海相景君碑

順帝漢安二年八月

景君碑陰

漢敦煌長史武斑碑 桓帝建和元年二月

卷五

漢執金吾丞武榮碑 靈帝時無年月

漢荊州刺史度尙碑 桓帝永康元年

漢桂陽太守周府君碑 靈帝熹平三年

周府君碑陰

漢衛尉衡方碑 靈帝建寧三年二月

卷六

漢酸棗令劉熊碑 無年月

漢淳于長夏承碑 靈帝建寧三年六月

漢西嶽華山廟碑 桓帝延熹四年七月

漢元儒先生婁壽碑 靈帝熹平三年正月

漢蕩陰令張君碑 靈帝中平三年二月

卷七

漢堂邑令費鳳碑 靈帝熹平六年

漢堂邑令費鳳別碑

漢溧陽長潘乾校官碑 靈帝光和四年十月

漢郎中鄭固碑 桓帝延熹元年四月

漢廬江太守范式碑 魏明帝青龍三年

梁陶宏景瘞鶴銘 無年月 此碑原本不錄今增入

卷八

隋皇甫府君碑 文帝仁壽四年貞觀初立

隋龍藏寺碑 文帝開皇六年十二月

隋姚恭公墓誌銘 煬帝大業七年十月

隋緣果道場塼塔記 煬帝大業九年

卷九

唐洛陽令鄭府君碑 武后久視元年六月

唐杳冥君銘 武后神功元年

唐郎官石記序 元宗開元十六年七月

卷十

唐臧尙書碑 代宗廣德元年十月

唐元靖李先生碑 代宗大歷十二年五月

卷十一

唐千福寺多寶佛塔碑 元宗天寶十一載

唐顏魯公與郭僕射書 無年月

卷十二

唐嵩岳少林寺碑 元宗開元十六年七月

唐少林寺靈運禪師碑 元宗天寶九載四月

唐少林寺戒壇銘 元宗開元三年正月

卷十三

幽州昭仁寺碑 太宗貞觀四年十一月

卷十四

唐西平郡王李公碑 文宗太和三月四月

唐大達法師元祕碑 武宗會昌元年十二月

唐柳公權小字清淨經 無年月

卷十五

唐天台山桐柏觀頌 元宗天寶元載三月

唐唐興寺碑 元宗開元六年九月

唐實際寺隆闡大法師碑 元宗天寶二載十二月

卷十六

唐故太尉文貞宋公碑 代宗大歷七年九月

唐故太尉文貞宋公碑側記 代宗大歷十三年三月

卷十七

唐達奚珣遊濟瀆記 無年月

唐濟瀆廟北海壇器物銘 德宗貞元十三年

唐姜嫄公劉廟碑 德宗貞元九年四月

唐伯夷叔齊二公碑 元宗開元十三年

卷十八

孔子廟堂碑 太宗貞觀四年

破邪論序 無年月

卷十九

唐邠國公功德銘 穆宗長慶二年十二月

卷二十

唐顏魯公小字麻姑壇記 代宗大歷三年

唐顏少保碑 德宗建中元年七月

補遺

夏禹衡岳碑 無年月

漢郃陽令曹全碑 靈帝中平二年十月

曹全碑陰

唐景龍觀鐘銘 睿宗景雲二年九月

唐建諸葛武侯祠堂記 憲宗元和四年二月

宋仁宗九年

者雨激風射日銷月鑠幾何其不遂堙滅
廣平宋公皇祐四年秋九月自亳社之鎮
鎮陽趙其屬郡也公過趙日嘗訪此字於
士大夫閒爾後郡守王君使縣人尋訪得
之巖石之上令劉莊者因督工鑿取輦致
歸我時人始驚觀者日至噫此刻埋沒人
不知識因宋公一言今遂出幽晦取愛重
於世石雖不能言其亦可謂得所遭矣中
祐昔聞其妙近幸權守于此而覩其真且

寒山絕壁
味然

懼經歷久遠一旦圯剝或墜於地失前古
妙絕之迹迺俾闢石糊灰括以堅木鏡廳
事右壁而陷置之覆蓋固護庶永存而無
他時五年孟夏廿一日權郡事李中祐記
右吉日癸巳四字相傳為周穆王書刻贊
皇縣壇山石上晉衛夫人謂李斯見周穆
王書七日興歎蓋指此也歐陽公集古錄
謂慶歷中宋尚書祁在鎮陽嘗摩此字而
趙州守將命工鑿山龕其字州解之壁聞

額升題

仁宗十七年

者嗟惜趙明誠金石錄謂穆王時所用皆
古文科斗書此字反類小篆而疑其非真
予家舊藏此刻蓋宋搨本有皇祐五年權
郡事李中祐跋以其罕傳錄之如右李跋
謂皇祐四年宋公過趙尋訪得之縣令劉
莊督工鑿石輦致歸我則宋公之摹字在
皇祐而不在慶歷縣令鑿取以歸於州則
龕置州廨者中祐而鑿石非其人也我朝
宋學士景濂嘗摹其字重刻浦陽山房仍

自爲跋謂吉日字與周淮父卣伯碩父鼎
齊侯罇鍾諸款識合又謂字形多類石鼓
明誠已信石鼓爲周人書不當於此而疑
之予觀李跋既得其實惜歐陽公未之見
而學士又考據精當足以祛後人之惑又
按宋吳興施宿謂州廨舊石以政和五年
取入內府皆後人所當知者故并著之

周石鼓文

徽宗元

關四而師關四字關四庶左關四滔滔是熾關四不具

奪關四字關四肝來關六具關四樂天子關五嗣關六夫

來關四字關四共關九字

右文十行行七字重文者一共關五十二字

二

我水既關一字關一我道既平我關一字關一既止嘉樹則里

天子永寧日維丙申關四字關四我其用道我馬既陳

敕關一字關一康康駕彼關二字關二左驂駮駮關二字關二蹶蹶關二字關二扯關二字關二

霧 來 遣 教

大 來

關二女不關三字關三翰霾關四字關四我公謂天子余及如

關三害不余及

右文十五行行五字末行四字重文者六

共關二十一字

關十三

田車既安鑿音條勒馭馭關一字關一從案此字一作衆師或又作衆既

簡左驂旛旛右驂驥驥我以濟于原我關一字關一戎

止射案石本似陟字此作射蓋從趙古則讀宮車其寫秀弓寺射

麋豕孔庶鹿鹿雉兔其原有旃其關一字關一奔大關一字關一

旃 連 後音同

字出谷亞闕二字界闕一字執而勿射多庶趨與

同君子攸案石本作直乃道字此以今文寫作攸而趙氏讀為乃蓋誤以為迺字耳

樂古樂田車右文十行行七字末行六字重文者四共

闕七字

其闕四

字闕二 鑾車華敕真真音填闕弓孔碩彤矢案石

下闕 四馬其寫六轡驚驚徒馭孔庶廓宣搏搏

首車載道戎徒如章原溼陰陽起起徐六馬射

趨

趨

史族族闕二字案如虎獸鹿如闕三字案

多賢趨禽闕二字我免允異

右文十行行六字末行五字重文者五共

闕八字案石本行七字末行六字

五

汧也案石本沔沔彼淖淵鯁鯉處之君子闕一字

案石本君子漁之舊刻本漁之滿又鯨其游趨初干帛

魚鱧音其蓋案此字舊釋為菹有作底鮮黃

白其鯁又鱧音又鯨音其胡孔庶繇之龜龜丑

滿舊刻瀉 蓋舊刻蘊

反 汪汪音汗 趨趨音甫 其魚維何維鱖維鯉何以橐
之維楊及桺

右文九行行七字末行五字重文者四共

闕一字案諸家本河滿趨三字並作重文

六

右文五行行五字闕不成文

七

闕一 猷作原作闕一 導遄我治闕一 除帥彼隊

音序闕 莽為垂讀若三十里 微微音闕 迺闕

闕末一字加孫或可

字 栗柞械其闕一 檠格庸庸鳴闕一 亞若其華

字 闕一 為所旂夏闕一 蓋導旨樹闕一 谷模本下有孫字

非

右文十一行行五字末行二字重文者二

共闕十一字

八

我車既工攻通 我馬既同我車既好我馬既阜君

子員員獵獵員旂麇鹿速速君子之求闕二 鹵

調音 弓弓茲以寺我毆其特其來趨趨音憲

特一作時

趨一作趣一作趨

夔夔音黃卽我卽時麀鹿趨趨其來大有我毆其

樸其來遺遺射其豸音蜀蜀案夔音黃豸音委皆不類此二字舊皆無

右文十一行行六字重文者九共闕二字

九

闕三東天靈雨雩流迄闕二溥滋君子闕一字

子卽涉作一闕卽涉馬闕流闕二也洎瀆闕九

自廓徒颺闕二維舟以道或陰或陽楫深以闕

于水一方闕四其奔闕五事

右文十一行行六字共闕三十一字

十

吳人慈亟闕三石本闕四案載西載北而闕三

用闕六大祝享闕四執寧逢中囿孔闕一麀闕五

字闕五求又闕六是闕二文苑闕字

右文十行行八字末行二字共闕三十九字

三代文字之存於今者惟穆王吉日癸巳

史籀石鼓文及商周鼎彝款識夫吉日癸

亦作行八字則文內
闕數累誤當依東坡
本改正

已數字而已商周款識又不多得然嚴正
婉潤端姿翫逸銛利鉤殺則唯石鼓文耳
惜其歲久剝落至唐始顯遂至紛紛疑議
歐陽文忠謂其書非史籀不能作但疑自
宣王至宋千有九百餘年理難得存是不
然也夫石刻之易漫者以其摹搨者多故
也今石鼓委置草萊泥土之中兀然不動
至唐始出以故完美如初況其石之質頑
性堅若爲碓礧者哉此不足疑一也鄭漁

此石有強弱耳

仲謂是秦篆因其以毆爲也見於秦斤以
番爲丞見於秦權其文有曰嗣王有曰天
子天子可謂帝亦可謂王秦自惠文稱王
始皇稱帝以爲惠文之後始皇之前所作
也余按易書經文無也字則知古轉用毆
番字正當從山取奉番高意六月宣王之
詩也曰王于出征以佐天子吉日宣王田
獵之詩也曰天子之所曰以燕天子祈父
刺先王之詩也曰予王之爪牙此不足疑

舊刻宜此係新刻之
共校

以名著辯淺陋不
然也
以初定代時之矣

二也溫彥威使三京以爲後周文帝獵於岐陽所作蓋因史大統十一年西狩岐陽之語而云也尤爲謬妄夫自秦漢晉宋隋唐以來苟能書者如斯冰瑗邕諸人皆名後世豈後周時有能書若此而不名乎況其詩詞嚴古尤非當時之人所能及者且蘇勛韋韓諸公去後周末遠不應謬稱如是此不足疑三也故余斷然以爲宣王田狩之詩而史籀之書也蓋宣王田狩岐陽

之時從臣贊美刻詞出於一時若車攻吉日則田獵東都時所作者其詞多與石鼓同如我車旣攻我馬旣同脩備之詞一也麇鹿麇麇鹿速速麇鹿趨趨獸多之詞同也車攻曰四牡龐龐四牡奕奕吉日亦曰四牡孔阜蓋卽石鼓赳赳六馬四馬其寫之謂也他如駕言徂東駕言行狩卽我其用道之謂也曰建旒設旒悠悠旆旌卽其旂員旂之謂也曰會同有繹卽來樂天

子之謂也曰兩驂不猗不失其馳卽左驂
旛旛右驂驥驥之謂也曰允矣君子展也
大成以燕天子卽君子乃樂天子永寧之
謂也曰吉日維戊吉日庚午卽日維丙申
之謂也曰田車旣好卽田車旣安我車旣
好之謂也曰從其羣醜瞻彼中原其祁孔
有卽我以濟于原我戎止射其來大有其
來遺遺之謂也曰儻儻俟俟卽龜龜黃黃
之謂也曰殪此大兕卽我毆其特之謂也

又況石鼓漫滅者多其詞繁而不殺不若
車攻吉日二詩嚴肅簡潔足該十篇之意
故偶見刪削古詩三千餘篇而夫子定爲
三百篇者此類是也若以不見收錄而遽
疑之則論語所引素以爲絢兮偏其反而
之句皆逸詩也豈可以是而盡疑論語乎
前人音辨類有得失或前後之相遠或多
寡之不同歐陽集古所錄可見者四百六
十五字胡世將資古所錄可見者四百七

全宋文卷一百一十一
十四字吾衍氏視資古又加三字予嘗得
宋搨本雖不能如集古資古吾氏所載然
較之今世所有者極爲精好因裝潢成軸
每鼓後以釋文譜之其闕文則一依吾氏
及潘氏云時洪武乙丑夏五月朔趙古則
書

右石鼓文宋代搨本洪武中藏於餘姚儒
者趙古則後歸予家石鼓昔人論之詳矣
趙氏跋謂溫彥威使三秦以石鼓爲後周

文帝獵於岐陽所作而斷其繆妄予按姚
氏殘語云彥威使三秦此得之僞劉詞臣
馬定國然亦非也金元好問編中州詩定
國小傳云仕金翰林學士考石鼓字畫定
爲宇文周時所造作文辨之萬有餘言元
天台劉仁本爲石鼓論本之定國而斷其
非史籀之書二子繆妄固不俟言跋復謂
蘇勛韋韓諸公去後周末遠不應繆稱如
是而以其言爲可信予觀應物退之其去

後周似爲遼闕助貞觀時仕吏部侍郎視
後周則誠未遠又按李嗣真書後品張懷
瓘書斷亦皆以石鼓爲史籀書嗣真高宗
時人而懷瓘老於開元則稱石鼓爲籀書
者始於蘇氏繼於李張而退之直據之耳
古則字孺謙宋宗室之後讀書博古尤精
字學所著有六書本義聲音文字通二書
嘗任廣東瑤山教諭卒於官

鄭夾漈謂石鼓至唐始出於岐陽鄭餘慶

取置鳳翔孔廟而亡其一皇祐四年向傳
師求於民間得之十鼓遂足王順伯謂五
代之亂鼓復散失司馬池復輦致府學其
一鼓已亡向傳師搜訪足之二說皆同予
近見傳師跋謂數內第十鼓較之文亦不
類訪於閭里果獲一鼓字雖半缺驗之書
體真得其蹟遂易而置之其數方備乃知
第十鼓其先蓋嘗有僞爲者至傳師而真
鼓始復此皆王鄭之所未及豈其未嘗見

向跋邪鄭復謂大觀中鼓置之辟雍復取入保和殿經靖康之變未知其遷徙與否王則謂大觀中鼓歸京師詔以金填其文靖康之末保和珍異北去或傳濟河遇風棄之中流而存亡未知後王子充題此謂金人入汴剔取其金而棄去之至元乃輦致京師置于國學廟門之下予按胡世將資古錄云崇寧中蔡京作辟雍取十鼓置講堂後辟雍廢徙置禁中則置之辟雍者

蔡氏而所謂禁中卽保和殿也若王鄭之未知其遷徙存亡蓋當是時北方非中國所有而二公又皆南人故云然也及觀之虞伯生云金人得汴梁鼓亦北徙畱王宣撫宅宅後爲大興府學伯生助教成均言於時宰得置之國學大成門內則淪入濟河與夫金人棄之之說皆不足信不知二王何從而得此也鼓今在北京國子監卽元之舊地予官禮部時嘗命工搨之字多

不姓

漫滅較之宋本僅十之二三而已

金薤琳琅卷一

... 漫滅較之宋本僅十之二三而已 ...

金薤琳琅卷二

太僕少卿吳郡都下穆

秦嶧山刻石

廿六年 除詔二百八十四字

詔七十八字

秦泰山刻石

廿六年 除詔二百六十四字

今存廿九字

詔七十八字

秦會稽刻石

廿七年 除詔五百六十八字

全

秦之罘刻石

廿九年 除詔二百十四字

今存十四字

秦琅邪臺刻石

廿六年 九百十四字

秦詛楚文

秦嶧山刻石

皇帝立國維初在昔嗣世稱王討伐亂逆威動
四極武義直方戎臣奉詔經時不久滅六暴強
廿有六年上薦高號孝道顯明既獻泰成乃降
專惠親軺巡遠方登于嶧山羣臣從者咸思攸
長追念亂世分土建邦以開爭理功戰日作流
血於野自泰古始世無萬數陀及五帝莫能禁
止迺今皇帝壹家天下兵不復起熖害滅除黔
首康定利澤長久羣臣誦略刻此樂石以著經
紀皇帝曰金石刻盡始皇帝所爲也今襲號而

金石刻辭不稱始皇帝其於久遠也如後嗣爲
之者不稱成功盛德丞相臣斯臣去疾御史大
夫臣德昧死言臣請具刻詔書金石刻因明白
矣臣昧死請制曰可

秦相李斯書嶧山碑跡妙時古殊爲世重
故散騎常侍徐公鉉酷耽玉箸垂五十年
時無其比晚節獲嶧山碑摸本師其筆力
自謂得思於天人之際因是廣求己之舊
跡焚擲略盡文寶受學徐門粗堅企及之

志太平興國五年春再舉進士不中東適
齊魯客鄒邑登嶧山求訪秦碑邈然無覩
逮於旬浹怛悵於榛蕪之下惜其神蹤將
墜於世今以徐所授摸本刊石于長安故
都國子學庶博雅君子見先儒之指歸淳
化四年八月十五日承奉郎守太常博士
陝府西諸州水陸計度轉運副使賜緋魚
袋鄭文寶記

右秦嶧山刻石宋淳化中太常博士鄭文

寶以徐鉉摸本刻之長安者唐封演謂此
碑歷代摸搨邑人疲於供命聚薪焚之邑
令取舊文刻置縣廨則嶧山前此嘗有是
刻蓋至唐而始焚歐陽公以嶧山無此而
疑其非真非也宋董彥遠書跋謂其文考
於史記多不合而疑傳者之誤今史記實
無此文則傳者未必誤特董氏之自誤耳
自文寶刻徐氏本其後翻本頗多世之評
者謂長安第一紹興第二浦江第三應天

二十五字乃詔中
等耳

府學第四青社第五蜀中第六鄒縣第七
又予聞之先師李文正公言嘗見祕閣舊
本才二十五字今所傳徐本乃其全文而
字復加大何哉
此碑自皇帝曰以下乃二世詔文在始皇
刻石之旁予見泰山碑如此鄭文寶不見
秦刻其所刻乃徐氏摹本故牽聯誤書然
此碑非文寶之傳則後世不復再見文寶
可謂有功於字學者而宋史列傳不言其

能書殆以政事而揜之耳

秦泰山刻石

皇帝臨立位作制明闕五廿闕一六闕二并闕三

不闕三軫遠黎登茲闕一山闕四從臣思迹

本原闕五德闕一道闕一行諸產得宜闕四

右文五行行十二字存者三十字闕三十

字在石之西面

大義著明陞于後世闕四皇帝躬聽既平天下

闕五興夜寐建設長闕五

右文三行行十二字存者二十二字闕十
四字在石之北面

闕一經宣達遠近畢理闕四貴賤分明男女體

順慎闕三昭隔內外靡不清闕五化闕一無窮

闕一奉遺詔闕四

皇帝曰金石刻盡始皇帝闕七金石

右文六行行十二字存者四十一字闕二

十六字在石之東面

刻辭不稱始皇帝其於久遠闕一如闕二為之

者不稱成功闕二丞相臣斯臣去疾御史大夫

臣闕一昧死言臣請具刻詔書金石刻因明白

矣臣昧死請

右文七行行十二字存者五十一字闕六

字在石之南面

右秦泰山刻石歐陽公謂其友江鄰幾嘗

至泰山視秦刻石所存僅數十字而其本

乃鄰幾所遺趙明誠謂宋真宗東封兗州

守摹本以獻凡四十餘字後宋苕公刻之

於石其說與歐陽公合明誠復謂大觀閒
汶陽劉跂親至泰山絕頂見碑四面有字
乃摹其文刻石自爲後序謂之泰山秦篆
譜明誠復以史記與譜較之不同者凡十
數字謂足以正史氏之失予家舊藏此刻
僅五十一字乃二世詔卽歐陽公所謂江
鄰幾本趙氏所謂兗州及宋苾公墓本是
也近得劉譜視前加九十三字後序謂篆
石埋植土中崇四五尺五十一字在南面

稍平故嘗爲人摹搨其三面皆殘闕蔽闇
跂刮摩垢蝕而字始出蓋刻文起西面而
北而東而南共二十二行其末行制曰可
三字復轉刻西南稜上由是篆文首尾幾
於復完而俾之傳世此則跂之功也董氏
書跋謂二世詔書宜在石陰而今在其南
始皇之詔乃在北西東三面蓋碑石嘗仆
後之人以一面稍完故樹之南向董又謂
石崇九尺面方二尺餘而跋云石之崇五

尺更俟登山訪之
歐陽文忠宋莒公皆不知嶧山碑四面有
字蓋在劉譜未出之前元吾衍子行號稱
博洽其學古編云石皆剝落惟二世詔一
面稍見豈亦未嘗見劉譜耶

秦會稽刻石

皇帝休烈平壹宇內德惠攸長卅有七年親輶
天下周覽遠方遂登會稽宣省習俗黔首齊莊
羣臣誦功本原事迹追道高明秦聖臨國始定

刑名顯陳舊章初平法式審別職任以立恆常
六王專倍貪戾傲猛率衆自彊暴虐恣行負力
而驕數動甲兵陰通閒使以事合從行爲辟方
內飾詐謀外來侵邊遂起禍殃義威誅之殄熄
暴悖亂賊滅亡聖德廣密六合之中被澤無彊
皇帝并宇兼聽萬事遠近畢清運理羣物考驗
事實各載其名貴賤並通善否陳前靡有隱情
節省宣義有子而嫁倍死不貞防隔內外禁止
淫佚男女絜誠夫爲寄猥殺之無辜男秉義程

妻爲逃嫁子不得母咸化廉清大治濯俗天下
承風蒙被休經皆遵軌度和安敦勉莫不順令
黔首脩絜人樂同則嘉保泰平後敬奉法常治
無極輿舟不傾從臣誦烈請刻此石光陞休銘
李斯書嶧山頌淳化閒守太常博士鄭文
寶以徐鉉所授本刻於長安國學泰山頌
至元閒行臺侍御史李處巽獲劉跂所摹
本刊於建鄴郡庠由是其迹僅存而所傳
浸廣予攷諸記載始皇及二世抵越取浙

江岑石刻頌於山亦斯筆也磨滅久矣好
古博雅者蓋願見而不可得予乃以家藏
舊本摹勒置於會稽黌舍庶與嶧泰等文
並貽於後但史記攸長作脩長卅字作三
十追道作追首又作追守案本紀追守句
注云石刻首作
道可見守當作首
刻板譌爲守耳軌度作度軌今則俱依
石刻至正元年辛巳歲夏五月望日承德
郎紹興路總管府推官東平申屠駟識
右秦會稽刻石按史記始皇三十七年上

會稽祭大禹望於南海立石刻頌秦德後其石人稱秦望山碑山在會稽縣東南四十里宋書載竟陵王子良尅日登秦望山主簿范雲以山上有始皇石刻人多不識乃夜取史記讀之明日登山雲讀如流子良大悅以爲上賓則晉宋以來石固無恙歐陽公趙明誠皆好集古文不應此獨見遺鄭夾漈通志金石略雖嘗載之而云疑在越州亦無眞見此皆予之所未曉者元

至正初東平申屠子迪爲紹興路推官以家藏舊刻刻于路學卽今之所傳是也然不知其先何從得之予觀其字畫與嶧山碑絕類豈亦出徐鼎臣鄭文寶之所摹而申屠氏嘗藏之歟

申屠氏跋謂石刻與史所載不同者數字今按史云有子不嫁石刻作而嫁史云殺之無罪石刻作無辜史云和安敦誠石刻作敦勉則又跋中之所未及漫識之

臯字秦皇惡其類皇字之首後改用罪此碑當是未改時書也此謬作辜可笑矣

秦之罘刻石

右秦之罘山刻石所存僅二十字蓋二世詔也歐陽公謂其刻與泰山嶧山文同而字畫皆異而惟以泰山爲真吾子行譔周秦石刻音釋亦謂其與琅邪石文皆不類秦刻而不收錄及考之董氏書跋謂嶧山刻字與泰山似異疑古人于書形類不一則此又有不當疑者予又安能定是非于其閒哉

斯無三體書者是後世摹本改作耳

此刻汝州帖亦嘗載之然字僅十五予家所藏視汝帖多御史大夫臣五字蓋宋莒公賜書堂本也

秦琅邪臺刻石

右秦琅邪臺刻石按史記始皇二十八年東行登琅邪樂之畱三月作琅邪臺立石頌德趙明誠謂其頌詩已亡所存惟從臣姓名及二世詔書然亦殘闕又謂熙寧中密州守嘗摸搨刻之於石子家所藏乃宋

莒公刻本僅十有七字皆頌詩中語與密本不同俟博識者辨之

秦詛楚文

久湫久讀作故

又通作秦嗣王籀文用吉玉瑄通作璧使其

宗祝邵馨布愍告于不顯大沈久湫以底楚王

熊相之多臯昔我先君穆公及楚成王是讀

寔寔繆讀作戮力同心兩邦若一絆以散政衿

以齊盟曰葉案葉本作葉乃世字毛氏廣川書跋誤以為葉原本仍之萬子

舊本穆寔
婚若姻

親印

道沃耽宣侈競縱

則暴辜

婦親戚

諸

烈

倍諸

剗滅姓法

孫母相為不利親敕古文印有不顯二字原本失

載不顯大沈久湫而質焉今楚王熊相康庸

回無道道淫失讀作甚讀作亂字寔古從

縱變輸讀作盟刺內之籀文虢則字虐不姑巫威

並作刑戮孕婦敕幽刺古戮字拘圍其叔父

寔者讀作冥室諸檀棺之中外之則劓古冒改久心不

裏皇天上帝及大沈久湫之光烈威神而兼

倍倍十八世之詛盟率者侯之兵呂臨加我欲

棧剗伐我社稷伐威我百姓牧求蔑瀆皇天上

我親我敢

衆

我境

受

克

敢

倍著諸

帝及大沈久湫之卹禍圭玉義犧牲遂一作取

悟我邊城新郢音皇及邲音於長救悟不敵曰可今

又悉興其衆張矜音府忝音意籀文億字怒飾甲底

兵奮士盛師曰偪悟邊竟讀作境將欲復其脫音

蹟唯是秦邦之羸無傲賤鞞讀作鞞鞞音翰輶輿禮

使介老將去聲之曰自救也巫咸亞駝亦應尊古

字皇天上帝及不顯大沈久湫之幾靈德賜古

古克劑巫咸本作楚師且復略我邊城敵數上

楚王熊相之偪盟犯詛箸著者諸石章曰盟大

神之威神

巫咸文與久湫同

亞駝亞駝讀作呼沱

右秦詛楚文凡三曰久湫曰巫咸曰亞駝

其石皆出宋世說者謂初得巫咸文於鳳

翔次得久湫文於渭案廣川書跋謂初得

得巫咸文於渭與此互又次得亞駝文於

洛其詞則一惟告於神者隨號而異自石

文之出黃魯直張芸叟皆有訓釋歐陽公

董彥遠王順伯皆有論辨歐陽公謂以史
記世家考之自楚成王十八世爲頃襄王
名橫不名熊相而疑傳寫之誤董氏謂秦
之詛楚爲頃襄也其見亦同順伯云秦自
穆公十八世至惠文王與楚懷王同時從
橫爭伯此詛爲懷王也或以楚自成王十
八世至頃襄王秦人之文不應數楚之世
況頃襄立是時楚已微弱非秦所畏不應
有詛葉少蘊生先順伯亦云熊相疑卽懷

王二說似爲有見董氏又云其詞若出一
時不知一日會盟安得親質三所宋章樵
云盟石告神當於其地巫神在解州鹽池
告文不應遠在古雍董氏復謂疑其宗祝
分致以告神順伯謂當時告神想不止是
見於世者惟此而已此或得之子特疑其
自秦至宋千有餘年嘗沈之於水瘞之於
地其字畫纖細理難完好唐人編古文苑
雖嘗載其辭而自宋以前薦紳君子曾無

其文古雅兼奇逸非後世可到子行不知也

一言及之董氏謂歲久石漸剝闕因據舊本得其完書不知所謂舊本果出何時元吾子行博古士也以先秦古器比較此篆絕不相類以為後人偽作但宋世諸公愛其筆跡無有異論予固不得而定之也

金薤琳琅卷二

金薤琳琅卷三

太僕少卿吳郡都穆

漢魯相置孔子廟卒史碑

漢魯相晨孔子廟碑

漢魯相晨孔廟後碑

漢魯相造孔廟禮器碑 并陰

漢泰山都尉孔宙碑 并陰

漢魯相置孔子廟卒史碑 隸書

司徒臣雄司空臣戒稽首言魯前相瑛書言詔

臣雄与雒陽宮二字无異
闕里並作雄
完碑對過
又對闕里志補字

書崇聖道勉關一藝孔子作春秋制孝經關述

五經演易繫辭經緯天地幽讚神明故特立廟

褒成侯四時來祠事已即去廟有禮器無常人

掌領請置百石卒史一人典主守廟春秋饗禮

財出王家錢給大酒直須報謹問太常祠曹掾

馮牟史郭元辭對故事辟雍禮未行祠先聖師

侍祠者孔子子孫大宰大祝令各一人皆備爵

大常丞監祠河南尹給牛羊豕雞關二各一大

司農給米祠臣愚以為如瑛言孔子大聖則象

關里志有宜字

乾山坤為漢制作先世所尊祠用衆牲長吏備

關二欲加寵子孫敬恭明祀傳于罔極可許臣

請魯相為孔子廟置百石卒史一人掌領禮器

出王家錢給大酒直他如故事臣雄臣戒愚戇

誠惶誠恐頓首頓首死罪死罪臣稽首以聞

制曰可按碑此行及次行下有題名二人原本失載今依隸釋補錄

元嘉三年三月廿七日壬寅奏雒陽宮關字季高

司空公蜀郡成都趙戒字意伯

碑刻制字終據頭失
擲耳
漢桓帝七年登已

元嘉三年三月丙子朔廿七日壬寅司徒雄司空戒下魯相承書從事下當用者選其年卅以上經通一藝雜試通利能奉宏先聖之禮爲宗所歸者如詔書書到言

永興元年六月甲辰朔十八日辛酉魯相平行長史事卞守長擅叩頭死罪敢言之

司徒司空府壬寅詔書爲孔子廟置百石卒史一人掌主禮器選年卅以上經通一藝雜試能奉宏先聖之禮爲宗所歸者平叩頭叩頭死罪

死罪謹案文書守文學掾魯孔龢師孔憲戶曹史孔覽等雜試龢修春秋嚴氏經通高策事親至孝能奉先聖之禮爲宗所歸除龢補名狀如牒平惶恐叩頭死罪死罪上

司空府

讚曰魏魏大聖赫赫彌章相乙瑛字少卿平原高唐人令鮑疊字文公上黨屯畱人政教稽古若重規闕字乙君察舉守宅除吏孔子十九世孫麟廉請置百石卒史一人鮑君造作百石吏

右三字刻于碑心空石

司徒。河南。。

字季高。司空公。蜀都成都。字意伯。

後漢鍾太尉書

宋嘉祐七年張稚圭按圖題記

左十字刻于碑末近邊書

舍功垂无窮於是始

下闕

右漢魯相置孔子廟卒史碑今在曲阜蓋

魯相乙瑛上書請置百石卒史一人典主

守廟司徒吳雄司空趙戒以聞制從之蓋

在元嘉三年三月後魯相平補以孔和上

書于司空府則永興元年六月也攷之范

史桓帝紀元嘉惟有二年碑云元嘉三年

三月者蓋是年五月始改永興至十月而

雄戒亦罷免矣

此碑殘闕據宋洪丞相隸釋錄其全文蓋
漢文高古難得將以供學士大夫之嗜好
而不特此碑然也凡予之錄漢刻其殘闕
者皆以洪本足之

漢魯相晨孔子廟碑

建寧二年三月癸卯朔七日己酉魯相臣晨長

史臣謙頓首死罪上

尚書臣晨頓首頓首死罪死罪臣蒙厚恩受任

待守得在奎婁周孔舊寓不能闡宏德政恢崇

金華珠璣 卷三
四
壹變夙夜憂怖累息屏營臣晨頓首頓首死罪
死罪臣以建寧元年到官行秋饗飲酒畔宮畢
復禮孔子宅拜謁神坐仰瞻棖桷俯視几筵靈
所馮依肅肅猶存而無公出酒脯之祠臣卽自
以奉錢脩上案食醑具以叙小節不敢空謁臣
伏念孔子乾_坤所挺西狩獲麟爲漢制作故孝
經援神契曰元_聖制命帝卯行又尙書考靈燿
曰某生倉際觸期稽度爲赤制故作春秋以明
文命綴紀撰書脩定禮義臣以爲素王稽古德

亞皇代雖有褒成世享之封四時來祭畢卽歸
國臣伏見臨璧雍日祠孔子以太牢長史備爵
所以尊先師重教化也夫封土爲社立稷而祀
皆爲百姓興利除害以祈豐穰月令祀百辟卿
士有益於民矧乃孔子元德煥炳光於上下而
本國舊居復禮之日闕而不祀誠

朝廷聖恩所宜特加臣寢息耿耿情所思惟臣
輒依社稷出王家穀春秋行禮以共禋祀餘_闕
一
字賜先生執事臣晨頓首頓首死罪死罪臣盡

力思惟庶政報稱爲效增異輒上臣晨誠惶誠
恐頓首頓首死罪死罪上

尚書時副言大傅大尉司徒司空大司

農府治所部從事案時副言以下二十字碑有
此一行在尚書下空三字原

本失載今依
隸釋補錄

昔在仲尼汁叶光之精大帝所挺顏母毓靈承

敝遭衰黑不代倉闕一沚應聘歎鳳不臻自衛

反魯養徒三千獲麟趣作端門見徵血書著紀

黃玉韻應主爲漢制道審可行乃作春秋復

演孝經刪定六藝象與天談鈞河擿雒卻揆未
然魏魏蕩蕩與乾比崇

右漢魯相晨孔子廟碑靈帝建寧二年立

晨姓氏見於後碑此乃其所上尚書奏章
蓋當時之制郡國不敢直聞朝廷因尚書
以達之也碑云到官秋享無公出酒脯之
祠自用俸錢以供禋祀知其爲魯之賢相
也

魯相晨孔廟後碑

相河南史君諱晨字伯時從越騎校尉拜建寧元年四月十一日戊子到官乃以今日拜闕一字

孔子望見闕觀式路虔跼既至升堂屏氣拜手

祇肅屑僂髣髴若在依依舊宅神之所安春秋

復禮稽度元靈而無公出享獻之闕一字案碑作薦欽

因春饗導物嘉會述脩璧雍社稷品制即上尙

書參以符驗乃敢承祀餘胙賦賜刊石勒銘并

列本奏大漢延期彌歷億萬

時長史廬江舒李謙敬讓五官掾魯孔暢功曹

史孔淮戶曹掾薛東門榮史文陽馬琮守廟百

石孔讚副掾孔綱故尙書孔立元世河東大守

孔雫元上處士孔褒文禮皆會廟堂國縣員允

案此允字當从允从人而碑實作允吏無大小空府竭寺咸俾來

觀并畔宮文學先生執事諸弟子合九百七人

雅歌吹笙考之六律八音克諧蕩邪反正奉爵

稱壽相樂終日於穆肅雍上下蒙福長享利貞

與天無極

史君饗後部史仇誦縣吏劉耽等補完里中道

金華珠璣 卷三
之周左墻垣壞決作屋塗色脩通大溝西流里外南注城池恐縣吏斂民侵擾百姓自以城池道濡麥給令還所斂民錢材

史君念孔瀆顏母井去市道遠百姓酤買不能得香酒美肉於昌平亭下立會市因彼左右咸所願樂

又勅瀆井復民飭治桐車馬於瀆上東行道表南北各種一行梓

假夫子冢顏母井舍及魯公冢守吏凡四月

與佐除

右史晨孔廟後碑載當時廟享觀禮者自長史李謙五官掾孔暢而下凡九百七人可謂盛矣廟享之後晨復脩瀆治井及置守墓之人蓋不但如前碑所云出俸錢以供祀事其有功於孔氏甚大而部史仇誦縣吏劉耽亦復補垣除道至通大溝則晨固有以啓之也吁晨誠賢矣哉

漢魯相造孔廟禮器碑

完解對
瀾里志重校

惟永壽二年青龍在涪歎霜月之靈皇極之日
魯相河南京韓君追惟太古華胥生皇雄顏闕
字育闕一寶俱制元道百王不改孔子近聖為
漢定道自天王以下至于初學莫不驢思歎印
師鏡顏氏聖身家居魯親里元官聖妃在安樂
里聖族之親禮所宜異復顏氏元官氏邑中闕
字案發以尊孔心念聖歷世禮樂陵遲秦項
碑作繇案發以尊孔心念聖歷世禮樂陵遲秦項
作亂不尊圖書倍道畔德離敗聖輿食糧亡于
沙邱君於是造立禮器樂之音符鍾磬瑟鼓雷

洗觴觚爵鹿相桓籩枳禁壺脩飾宅廟更作二
輿朝車威熹宣杼元汙以注水泝法舊不煩備
而不奢上合紫臺稽之中和下合聖制事得禮
儀於是四方士士仁聞君風燿敬咏其德尊琦
大人之意遠彊之思乃共立表石紀傳億載其
文曰

皇字據頭在格外故
他解身闕搦

皇闕統華胥承天畫卦顏育空桑孔制
案碑作戲字統華胥承天畫卦顏育空桑孔制
元孝俱祖紫宮大一所授前闔九頭以什言教
後制百王獲麟來吐制不空作承天之語乾元

以來三九之載八皇三代至孔乃備聖人不世
期五百載三陽吐圖二陰出讖制作之義以俟
知闕一字於穆韓君獨見天意復聖二族連
越絕思修造禮樂胡輦器用存古舊宇慤懃宅
廟朝車威熹出誠造闕一字漆不水解工不事賈
深除元汙水通闕一字注禮器升堂天雨降澍百
姓訢和舉國蒙慶神靈祐誠竭敬之報天與厥
福永享年壽上極華紫旁伎皇代刊石表銘與
乾運燿長期蕩蕩於盛復授赫赫罔窮聲垂億

載

韓明府名勅字叔節潁川長社王元君真二百
河東大陽西門儉元節二百故涿郡太守魯庶
次公五千故會稽太守魯傳世起千故樂安相
魯庶季公千故從事魯張嵩眇高五百相主簿
魯薛陶元方三百相史魯周乾伯德三百

右漢魯相韓勅造孔廟禮器碑說者謂其
文雜用讖緯不可盡通予觀東漢自光武
以赤伏符即位篤好圖讖臣下則而效之

金華珠璣 卷三
流弊浸廣至漢之末而其說尤熾見之金石者不特此碑然也帝堯碑云堯遊于元河之上有龍授圖堯乃受命成陽靈臺碑云堯母慶都遊觀河濱感赤龍交而生堯魯相史晨孔廟碑云孔子乾坤所挺西狩獲麟爲漢制作皆怪誕恍惚不經之甚後之君子以爲漢儒之陋狹如此而不知其所從來孔子曰上有好者下必有甚焉者矣以光武之明智而慮不及此嗚呼於漢

儒乎何尤

韓勅碑陰

故涿郡大守魯庶次公五千故從事魯張嵩眇高五百潁川長社王元真二百故會稽大守魯傳世關一字關一千相主簿魯薛陶元方三百河東大陽西門儉元節二百故樂安相魯庶季關一字關一千

關一字關一相史魯周乾伯德三百案以上八人卽前碑所載末三行題

名此係重錄 曲成侯王嵩二百遼西陽樂張普仲堅

二百潁川長社王季孟三百故督却魯趙輝彥

臺二百河南成臯蘇漢明二百其人處士汝南
 宋公國陳漢方二百郎中魯孔宙季將千河南
 雒陽种亮奉高五百故山陽南平陽陳漢甫二
 百御史魯孔翊元世千故衮州從事任城呂育
 季華三千任城番君舉二百大尉掾魯孔凱仲
 弟千故下邳令東平陸王褒文博千任城王子
 松二百魯孔曜仲雅二百魯孔儀甫闕一字百故
 潁陽令交陽鮑宮元威千任城謝伯威二百處
 士魯孔方廣率千河南雒陽李申伯百任城高

伯世二百魯孔巡伯男二百文陽蔣元道二百

趙國邯鄲宋鎮元世二百相主簿薛曹闕一字案碑

訪濟興三百魯孔憲闕一字案碑作仲則闕一字案碑作百文

陽闕二字案碑作王逸文豫二百彭城廣闕一字案碑作戚姜

尋子長二百相中賊史薛虞韶興公二百尙書

侍郎魯孔雋元上三千平原樂陵朱恭敬公二

百薛闕一字案碑作弓奉高闕二字案碑作二百魯孔闕一字案碑

作漢光二百南陽宛張光仲孝二百平原隰陰

馬瑤元冀二百相史卞呂松闕一字遠百守廟百

石魯孔恢聖文千彭城龔治世平二百騶韋仲
卿二百褒成侯魯孔建壽千河南雒陽王敬子
慎二百泰山鮑丹漢公二百處士魯劉靜子著
千故從事魯孔樹君德千京兆劉安初二百故
薛令河內溫朱熊伯珍五百故從事魯王陵少
初二百魯孔朝升高二百魯石子重二百下邳
周宣光二百故豫州從事蕃加進子高千故督
却魯开輝景高二百行義掾魯弓如叔都二百
河間束州齊伯宣二百魯曹悝初孫二百魯劉

并

仲俊二百北海劇袁隆展卅百陳國苦虞崇伯
宗二百魯闕一字案碑作劉元達二百魯夏侯廬頭二
百魯周房伯臺百東海傅河東臨汾敬謙字季
松千闕一字尉闕五字安季興五百相守史薛王芳
伯道二百魯孔建壽二百時令漢中南鄭趙宣
學子闕一字司徒掾魯巢壽文闕一字三百相行義
史文陽公闕一字輝世平百故丞魏令河南京丁
璪叔舉五百河南偃師度闕一字漢賢闕二字魯傳
案碑作亮子豫二百任城亢父治真百左尉北

海劇趙福字仁直五百南陽平氏闕四二百魯

闕二字案三百魯孔昭叔祖百元廬城子二碑作孫股

百山陽瑕邱九百元臺三百魯徐伯賢二百河

東臨汾敬闕一子直千泰山鎮平韋仲元二百

闕二字案狼子二百齊國廣張建平二百其

碑作蕃王案處士魯劉聖長二百河南雒陽左叔

虞二百泰山費淳于鄰季遺二百上黨長子楊

萬子三百河南偃師肯闕一字案碑作鄰通國二百東

郡武陽董元序二百故闕二字案侯相彭城

碑作安德

劉闕一字伯存五百處士魯孔徵子闕一字案碑作舉二

百河南平陰樊文高二百東郡武陽桓仲豫二

案此一人原本誤故平陵令魯庶恢元世五

百案此一人原本誤列亢父治真下案此一人原本誤列魯開

百案此一人原本誤輝景高下今並據碑訂正

右韓勅碑陰隸釋所載凡六十有二人較

予家舊搨本闕三十有八人隸釋始曲成

侯王嵩終洛陽王敬予家本則始涿郡太

守魯庶次公終河南樊文高又有大不同

者豈隸釋得之傳錄故有此誤要當以搨

本為是抑此及史晨後碑歐陽公最號博古皆未之見唯趙氏金石錄有之

案韓勅碑四面俱有題名前碑已附八人于未隸釋所載六十二人與碑陰合但失錄兩側三十四人而已南濠既重列八人於前并增錄兩側于後起止懸殊遂疑隸釋始曲成侯王嵩終洛陽王敬為傳錄之誤其實非也論碑固當以揚本為是然或經翦貼其中參錯所不能無此書彙題名為一碑而閒或失次豈即據翦貼本錄之乎全碑至今尚存依次考證足訂南濠之誤

漢泰山都尉孔宙碑

有漢泰山都尉孔君之銘 案碑題一行原本不載今依隸釋補錄

完研對

君諱宙字季將孔子十九世之孫也天姿醇嘏齊聖達道少習家訓治嚴氏春秋緝熙之業既就而閨闈之行允恭德音孔昭遂舉孝廉除郎中都昌長祇傳五教尊賢養老躬忠恕以及人兼禹湯之臯已故能興朴 闕二 彫幣濟宏功於易簡三載考績遷元城令是時東嶽黔首猾夏不 闕三 祠兵遺畔未寧乃擢君典戎以文脩之旬月之間莫不解甲服罪 闕三 梅田峻喜于荒圃商旅交乎險路會鹿鳴於樂崩復長勇于酬

金嘉瑞理 卷三
酢闕三稔會遭篤病告困致休得從所好年六

十一延熹六年正月乙未闕三疾貴速朽之反

真慕寧儉之遺則窀夕不華明器不設凡百印

高闕三述於是故吏門人乃共陟名山采嘉石

勒銘示後俾有彝式其辭曰

於顯我君懿德惟光紹聖作儒身立名彰貢登

王室闕一是虔夙夜闕二在公明明乃綏二

縣黎儀以康於开時靡撫茲岱方闕一彼凶人

覆俾闕二南畝孔饁山有夷行豐年多乘稱彼

兕觥帝賴其勲民斯是皇疾闕三乃委其榮忠

告懇勤屢省乃聽恭儉自終簠簋不陳生播高

譽歿垂令名永矢不刊億載揚聲

延熹七年十月戊闕一造

右漢泰山都尉孔宙碑宙孔子十九世孫

而融之父也其事實不見史傳然碑稱其

齊聖達道德音孔昭又稱其治泰山旬月

之間民皆解甲服罪可謂無愧聖人之後

者碑在曲阜延熹七年立通志金石略嘗

載其目云未詳所在復載泰山太守孔宙
碑云在兗州立於延熹六年是漢有兩孔
宙而碑復有二何其繆哉

門生故吏名

即孔宙碑陰

門生鉅鹿瘦陶張雲字子平門生鉅鹿瘦陶趙
政字元正門生鉅鹿廣宗捕巡字升臺門生東
平寧陽韋勳字秀昌門生魏郡館陶張上字仲
舉門生魏郡館陶王時字子表門生魏郡陰安
張典字少高門生魏郡魏孟忠字待政門生魏

捕

郡魏李鎮字世君門生魏郡館陶吳讓字子敬
門生魏郡館陶文儉字元節門生魏郡館陶鄉
瑱字仲睢門生魏郡鄴暴香字伯子門生東郡
東武陽梁淑字元祖門生東郡衛公國趙恭字
和平門生東郡東武陽張表字公方門生東郡
東武陽滕穆字奉德門生東郡樂平桑演字仲
厚門生東郡樂平靳京字君賢門生東郡樂平
梁布字叔光門生東郡樂平桑顯字伯異門生
陳畱平邱司馬規字伯昌門生安平下博張祺

鄉

字紉松門生安平下博張朝字公房門生安平
 下博蘇觀字伯臺門生安平堂陽張琦字子異
 門生北海安邱齊納字榮謀門生北海都昌呂
 升字山甫門生北海劇秦麟字伯麟門生北海
 劇如廬浮字遺伯門生北海劇薛覲字勝甫門
 生北海劇高冰字季超門生濟南梁鄒趙震字
 紉政門生濟南梁鄒徐璜字劣文門生濟南東
 平陵吳進字升臺門生甘陵廣川李都字元章
 門生甘陵貝邱賀曜字升進門生魏郡清淵許

如

祺字升明門生魏郡館陶史崇字少賢門生魏
 郡館陶孫忠字府文門生東郡樂平盧精字子
 節門生任城任闕三字字景漢門童安平下博張
 忠字公直故吏北海都昌逢祈字伯熹故吏北
 海都昌殛章字文理故吏北海都昌魏稱字文
 長故吏北海都昌呂規字元規故吏泰山費魚
 淵字漢長故吏泰山華母樓覲字世光故吏泰
 山南城禹規字世舉故吏泰山南武陽蕭誨字
 伯謀故民泰山費淳于黨字季闕一字弟子北海

蓮 薤

禹

劇陸暹字孟輔弟子陳畱襄邑樂禹字宣舉弟
 子下邳下邳朱班字宣闕一弟子東平寧陽周
 順字承闕一弟子沛國小沛周升字仲甫弟子
 魯國文陽陳褒字聖博弟子汝南平輿謝洋字
 子讓弟子山陽瑕邱丁瑤字實堅弟子魯國戴
 璋字元珪弟子魯國卞王政字漢方

右孔宙碑陰不云碑陰而云門生故吏名
 此漢碑中之僅見者前碑云故吏門人陟
 山采石勒銘示後則此所載皆其人也今

按宙門生四十二人門童一人弟子十人
 故吏八人故民一人隸釋謂漢儒開門授
 徒親受業者則曰弟子次相傳授則曰門
 生未冠則曰門童總而稱之亦曰門生舊
 所治官府其掾屬則曰故吏占籍者則曰
 故民非吏非民則曰處士素非所莅則曰
 義士義民此皆讀漢碑者之所當知而隸
 釋人間少傳故著之

金薤琳琅卷三

韓人開小國姑蘇之

秦士與吳山許商其

對引其交非與惟曰

得命官其其與風曰

走非其與曰門童應

其與之與與與與與

其與之與與與與與

其與之與與與與與

金薤琳琅卷四

太僕少卿吳郡都

漢博陵太守孔雋碑

并陰

漢司隸校尉魯峻碑

并陰

漢北海相景君碑

并陰

漢敦煌長史武斑碑

漢博陵太守孔雋碑

君諱雋字元上孔子十九世之孫潁川君之元

子也君少履天姿自然之匹帥禮不爽好惡不

愆考衷度衷脩身踐言龍德而學不至於穀浮
 游塵埃之外嚼焉汜而不俗郡將嘉其所履前
 後聘召蓋不得已乃翻爾束帶宏論窮理直道
 事人仁必有勇可以託六授命如毛諾則不宿
 美之至也莫不歸服舉孝廉除郎中博昌長疾
 病畱宿闕一遷闕一京府丞未出京師遭大君
 憂泣踰臯魚喪過乎哀謹畏舊章服竟還署試
 拜尚書侍郎無偏無黨遵王之素蘆可黜否出
 度日恪位佇所在祇肅拜治書御史膺臯

陶之

闕一字 作原疑卽廉字

案碑

恕

闕二字

參之

闕五字

律祇用

既平

闕一字

博陵太守郡阻山

闕三字

以饑饉斯多

草竊罔不

闕一字

賊劉

闕一字 作尋卽曼字

案碑

張丙等白

日攻剽坐家不命君下車之初

闕一字

五教以博

削四凶

闕一字

以勝殘乃

闕三字

爰尙桓桓拚馬繡

害醜類已殫路不拾遺斯民以安發號施憲每

合天心

闕一字

之所惡不以強人義之所欲不以

姓樂政

闕三字

而歸于德望如父母順如流水遷

下邳相河東大守舉此

闕二字

君子風也未怒而

懼不令而從雲行雨施

闕二字

大和海內歸公卿

之任矣勞而不伐有實若虛固執謙需以病辭

官去位闔

闕一字

以孝竭

闕一字

餘暇徧彈琴擊

磬

闕二字

之味而不改其靜上帝棊謔天秩未究

將據師輔之紀

闕一字

綱

闕一字

疾彌流乃碩乃

字

卅九建寧四年七月辛未

闕三字

哀哉覓神超

邁家兮冥冥遺孤忉絕于嗟想形

闕二字

哀遠念

不欲生羣臣號咷靡所復逞夫逝往不可追兮

功

闕三字

識惟君之軌迹兮如列宿之錯置易建

八卦揆肴繫辭述而不作彭祖賦詩皆讚所見

于時頌

闕二字

是

闕一字

吏崔

闕三字

王沛等伏信好

古敢詠顯

闕一字

乃刊斯石欽銘洪基昭示後昆

申錫鑒思其辭曰

穆穆我君大聖之胄惇懿允元獻其元秀惟鬱

降精誕生忠良奉應郡貢亮彼我

闕一字

克明王

道辯物居方周

闕四字

也匹名朝無秕政直哉惟

清出統華夏化以典成

闕一字

猗殄迸賢倚

闕一字

庭帝重乃勛自

闕二字

征所臨如神

闕六字

之翰先

民是程宜乎三事金鉉利貞而絜白駒俾世憤
惻當享眉耆莫匪爾極大闕三邈矣不意于嗟

悲兮闕三息漫漫庶幾復焉所力咨乎不朽沒

而德存伊尹之休格于皇天惟我君績表于丹

青永永無沂與日月并于嗟闕二于以慰靈

右漢博陵太守孔雋碑雋孔子十九世孫

與孔宙蓋弟兄行嘗為尚書侍郎治書御

史可謂顯矣闕里志世表宗譜皆不見其

名字而碑文類此亦不載向微搨本之存

則後世不復知有雋矣

孔雋碑陰

故吏司徒掾博陵安平崔烈字威考故吏齊闕一

字博陵安平崔恢字行孫故吏乘氏令博陵安

平王沛字公豫故吏司空掾博陵安國劉惠字

伯栢故吏外黃令博陵安國劉揚字子長故吏

白馬尉博陵博陵齊智字子周故吏五官掾博

陵安平劉麟字秀公故吏五官掾博陵安平王

瑤字顯祖故吏五官掾博陵安平孟循字敬節

金華珠璣 卷四
四
故吏五官掾博陵高陽史應字子聲故吏五官
掾博陵南深澤程祺字伯友故吏五官掾博陵
南深澤程祚字元祐故吏五官掾博陵安國劉
機字闕一閣
右孔雩碑陰故吏出博陵者凡十有三人
故其額不稱後官而直書博陵洪氏以爲
故吏而甘棠之惠痛夏屋之傾相與立碑
遂以本郡題其額也此或得之然予觀漢
碑亦往往有書前官者又似不必拘此金

石錄乃云不知何謂非也

漢司隸校尉魯峻碑

君諱峻字仲嚴山陽昌邑人其先周文公之碩

胄闕二伯禽之懿緒以載于祖考之銘也君則

監營謁者之孫修武令之子體純鮪之德秉仁

義之操治魯詩兼通顏氏春秋博覽羣書無物

不槩學爲儒宗行爲士表漢闕一始仕佐職牧

守敬恪恭儉州里歸稱舉孝廉除郎中謁者河

內太守丞喪父如禮辟司徒府舉高第侍御史

東郡頓邱令視事四年比縱豹產化行如流遷

九江太守闕一殘酷之刑行循吏之道統政闕一

字載穆若清風有黃霸召信臣在潁南之歌以

公事去官休神家術未能一暮為司空王暢所

舉徵拜議郎太尉長史御史中丞桓帝延熹七年二

月丁卯拜司隸校尉董督京輦掌察羣寮蠲細

舉大權然疏發不為小威以濟其仁朔中獨斷

以效其節案奏闕一公彈紕五卿華夏祇肅佞

穢者遠遭母憂自乞拜議郎服竟還拜屯騎校

尉以病遜位守疏廣止足之計樂於陵灌園之

妻閉門靜居琴書自娛年六十一熹平元年闕一

字月癸酉卒明年四月庚子葬于是門人汝南

千商沛國丁直魏郡馬萌勃海呂圖任城吳盛

陳畱誠屯東郡夏侯宏等三百廿人追惟在昔

游夏之徒作諡宣尼君事帝則忠臨民則惠乃

昭告神明諡君曰忠惠父息獻不才弱冠而孤

承堂弗構析薪弗何悲蓼蕘之不報痛昊天

靡嘉闕一企有紀能不號善薈嗟刊石叙哀其銘

曰

巖巖山岳礪落彰較堂堂忠惠令德孔爍命一闕

字時生雅度宏綽允文允武厥姿烈連內懷溫

潤外撮強虐督司京師蘇然情邈當當闕一緝職

為國之權匪究南山遐邇忉倒凡百君子欽諡

嘉樂永傳億齡帝喚矣昫昫

右漢司隸校尉魯峻碑水經注以峻為恭

趙氏謂方輿志寰宇記皆作峻而辨水經

之誤予家舊藏此碑峻字明白可識趙氏

果有其本何乃不知而必證之以地里書

也歐陽公謂峻最後為屯騎校尉而碑首

題云司隸校尉莫曉其義隸釋云漢人碑

志或以所重之官揭之司隸官尊而職清

非列校可比故書之也此足以祛歐公之

惑鄭夾漈又謂此碑書于蔡邕按徐浩古

迹記其敘邕書惟三體石經西岳光和殷

華馮敦數碑及考其他字書亦未聞邕嘗

書此不知鄭氏何所據也

魯峻碑陰

故吏河內

闕一字

菅

闕一字

幼流

闕三字

故吏九江壽

春礲龔伯

闕一字

案碑作麟

五百故吏九江壽春任

闕一字

孝長五百故吏東郡頓邱許瑜伯過五百門

生沛國譙丁直

闕一字

案碑作景

榮千門生勃海

闕二字

案碑作高城

呂

闕一字

案碑作圖

世階千門生東郡汝陽段

敦登高千門生汝南召陵干商朝公五百門生

南陽新野

闕一字

案碑作魏

顥文

闕一字

案碑作臺

五百門生

平原

闕一字

案碑作般

路龍顯公五百

案原本於此下脫四

人門生平原西平昌王瑞子行五百門生陳畱

尉氏胡嵩永高五百門生陳畱尉氏胡昱仲表

五百門生濟陰定陶棣尊子然百門生任

闕一字

案碑作城

樊兒

闕一字

案碑作雄

太平五百門生平原樂陵

路福世輔三百門生魏郡

闕一字

邱李牧君伯三

百門生魏郡繁陽王輔子助三百

案原本此下又脫四人竝

據碑補錄

門生任城周普妙高三百門生任城

任城吳盛子興三百門生勃海

闕一字

合梁愔叔

節三百門生河東蒲反李

闕二字

時三百門生河

東蒲案闕一字反陽闕二字文智三百門生汝南汝

陽鄭立闕二字三百門生東郡闕一字邑闕三字松二

百門生東郡闕一字平闕四字二百門生東郡樂平闕四字二

案碑作邢顯闕二字二百門生東郡樂平闕四字二

百門生魏郡內黃闕四字案碑上三闕三百門

生魏郡案碑作犁陽王闕一字少闕一字三百門生

汝南灑強尹稜闕二字二百門生汝南灑強尹顯

闕二字二百門生勃海南皮劉扶節闕一字二百門

生勃海南皮劉盛興闕二字二百門生河間阜成

東鄉晨子闕一字二百門生河間阜成東鄉恭公

闕一字二百門生平原西平昌劉士景闕一字二百

門生平原股張謙伯讓二百門生陳畱尉氏夏

統子思二百門生濟陰乘氏許仁伯德二百門

生濟陰案碑作離狐周維元興二百義士梁國

寧陵史強強良二百

右魯峻碑陰歐陽公趙明誠皆失收錄至

洪丞相隸釋於漢碑搜羅殆盡而亦復遺

焉予家此碑不特人間少有且文字龕完

隸續十三卷中有魯峻
新碑陰九十八跋云有郡前
碑者以為魯君所刻陰碑無
所據及其廣適與之合故
遂以為是者為誤耳

可讀惜不令三公見之

案隸續有魯峻斷碑陰洪氏跋云九十有
一人書姓氏而不名惟徐袁二人有郡藏
碑者以為魯碑陰雖無所據度其石之廣
適與魯碑合所存乃其下之四橫計其上
當更有十橫碑載于馬呂吳誠夏侯等
三百二十人為魯作諡七子題名當在前
列一石之上正可容三百二十人之數又
字體頗與魯碑相類若無可疑今攷此碑
凡三列存者僅二列四十一人下一列已
漫滅各書郡縣名字及故吏門生義士之
稱并出錢之數與隸續所載無一人同至
若為魯作諡之七子洪氏祇懸斷其有而
此碑兩列中如于商丁直馬萌呂圖吳盛
已明列五人惟誠屯夏侯宏二人無之當
在第三列也據此則南濠所錄似較確鑿
而洪氏誤以他碑之陰為魯峻耳因獲原

碑校正附
識于此

漢北海相景君碑

惟漢安二年仲秋關二故北海相任城景府君

卒歎歔哀哉國關二寶英彥關一字疑是古失

字疇列宿虧精晚學後時于何穹蒼布命授期

有生有死天寔為之豈夫仁哲攸勉不遺於是

故吏諸生相與論曰上在羣后莫不流光關一字

於無窮垂芬耀于書篇身歿而行明體亡而名

存或著形像於列圖或繫頌於管弦後來詠其

烈竹帛敘其勲乃作誄曰伏惟

明府受質自天孝弟淵懿帥禮蹈仁根道核藝
抱淑守貞晶白清方勉已治身寔深寔剛乃武
乃文遵考孝謁假階司農流德元城興利惠民
強禦改節微弱蒙恩威立澤宣化行如神帝嘉
厥功授以符命守郡益州路遐戀親躬作遜讓
夙宵朝廷建英策字忠讜辨秩東衍璽追嘉錫據
北海相部城十九鄰邦歸向分明好惡先以敬
讓殘偽易心輕黠逾竟鴟梟不鳴分子還養元

二鰥寡蒙祐以寧蓄道脩德闕一字祉以榮紛紛

令儀明府體之仁義道術明府膺之黃朱邵父

明府三之台輔之任明父宜之以病被徵委位

致仕民闕一字思慕遠近搔首農夫釋耒商人空

市隨舉飲淚奈何朝廷奪我慈父去官未旬病

乃困危珪璧之質臨卒不回獻闕一字賈絕奄忽

不闕一字孝子慄慄顛倒剝摧遂闕一字勉寤永潛

長歸州里鄉黨隕涕奔哀故吏忉怛獻闕一字

案碑作低侗四海冠蓋驚慟傷懷大命闕一字一期寔惟

天闕一明主設位明府不就臣子欲養明府弗字畱歎歔哀哉

亂曰考績幽窆闕三兮闕四翔議郎兮再命虎字

將綏元二兮規英榘謨主忠信兮羽衛藩屏撫

萬民兮闕四恩闕二兮宜參闕一字鞞闕一字鞞闕一字

榘榘兮不永麋壽棄臣子兮仁敷海外著甘棠

兮闕一石勒銘闕一不亡兮字

右北海相景君碑金石錄云在濟州任城縣蓋任氏在漢為任城人也予按濟州即

蘇續十六卷對

今之濟寧州今碑乃在州學不知何年移置於此通志金石略以不知其地故直云未詳姚江謝中舍大中近過濟寧揚以見惠予家自祖宗來藏碑頗富兼以予好收錄中間得于朋友之助者十常四五如此碑是也

北海相景君碑陰

故闕一中部督郵都昌羽忠字定公故門下督字

盜賊劇闕一字頌字闕一字遠故門下議案碑作叔

史平昌蔡規字中舉故門下書佐闕字營陵孫榮

字丑榮故門下書佐淳于逢闕案碑作訢字闕一

成故騎吏劇闕字馨麟字闕案碑作敬石故吏朱虛

孫徵字武闕一故吏營陵薛逸字伯踰故吏營

陵闕字鴻字中闕一故吏都昌呂福字孟闕一故

吏都昌張闕字曠字光闕一故書佐都昌羽質字

孟闕案碑作宥闕一故書佐闕案碑作朱虛闕案碑作鞠欣闕案

字君大故書佐闕平壽淳于闕四闕字久闕案碑闕故

書佐營陵徐曾字昌華故書佐都昌闕案碑作張

彤字闕案碑作朔甫故書佐淳于孫悝字元闕卓

故書佐營陵鍾顯字闕案碑作槐寶闕案原本此下

補行義劇張敏字公輔故書佐劇乘禹字伯度

故書佐東安平闕案碑作闔廣字廣宗故書佐劇

紀政字丑堅故書佐淳于孫晄字威光故脩行

都昌台邱暹字丑德故脩行都昌董方字季方

故脩行營陵笛闕字峯字漢興故脩行都昌闕二

案碑作字闕案碑作漢久故脩行營陵闕案碑作是

盛字護宗故脩行營陵闕一暹字武闕平故脩

行營陵臨照字景耀故脩行都昌張駿字臺闕一

惇故脩行營陵淳于登字登成故脩行營陵顏

理字中理故脩行營陵水邱邵字君闕石故脩

行都昌呂興字垂興故脩行都昌逢進字垂安

故書佐劇徐德字漢昌故書佐劇姚進字元豪

故書佐劇邴鍾字元鍾故書佐都昌張翼字元

翼故脩行都昌張闕一字季遠故脩行劇中闕一

字季遠故脩行平闕二字案允字伯允故

脩行淳于趙尙字上卿故脩行都昌段音字垂

節故脩行都昌齊晏字闕字本子故午營陵闕一字

案碑遷字垂達故午營陵留敏字元成故午淳

于董純字元祖故午營陵縹良字垂騰故午朱

虛炁詩字孟道故午都昌呂邱遷字孟堅故闕

惇都昌齊冰字文達故闕史都昌張亮字元亮

行三年服者凡八十七人案碑第三列姓名下有此一行原本不載

今依隸續補錄闕二字案虎闕字惟故臣吏慎終追遠闕六字

碑作豎建闕案墳園闕字禮備陵成闕字立樹

上五字作諒闕墳園闕字禮備陵成闕字立樹

沈思守下闕墳園闕字禮備陵成闕字立樹

吳 縹

列既就聖典有制三闕書當離墓側永懷闕六

以義割志乃著遺辭以明闕三字案靈瑕顯

降垂嘉祐

右景君碑陰列門下書佐及故吏等中有

脩行凡十九人趙氏謂後漢書百官志注

河南尹官屬有循行一百三十人而晉書

百官志亦有循行以為循脩字畫相類遂

致譌謬予謂景君碑刻于漢而後漢書舊

皆出傳錄則以脩為循者特傳錄之誤耳

趙氏不信碑本而信漢書且復引晉書為

證殊不知晉書脩于唐其亦曰循行蓋仍

漢書之誤而云然也

漢敦煌長史武斑碑

建和元年太歲在丁亥二月辛巳朔廿三日癸

卯長史同闕下

敦煌長史武君諱斑字宣張昔殷王武丁久伐

鬼方元功章炳勲藏王府官族分析因以為氏

焉武氏蓋其後也商周假藪歷世曠遠不隕其

美漢興以來爵位相踵闕一朝忠臣君闕一

顏閔之闕一案碑作楸闕一質長敷旂夏之文學慈惠寬

孝友元妙苞羅術藝貫洞聖闕一博兼闕二

耽綜典籍闕三純求福不回清聲美行闡形

遠近州郡貪其高賢闕二請以闕二歲舉闕一

翼紫宮闕二詔徐光顯王室有闕一於國帝庸

嘉之掌司古闕一領校祕鄭研闕一幽微追昔

劉向辯賈之徒比闕一萬矣時戎闕二匡正一

朝廷惟憂闕二有司闕二舉君斑到官之

日闕一癘吏士哮虎之怒薄伐闕九竝百姓賴

之邦域既寧久勞于外當還本朝以叙左右以

永嘉元年闕一月闕一日遭疾不闕一哀闕一

於是金鄉長河間高陽史恢等追惟昔日同歲

郎署感闕一為自古在昔先聖與仁闕二興替

人存生勞死哀是闕一萬年伊君遺德闕一

孔之珍故闕一石銘碑以旌明德焉其辭曰

於惟武君允德允恭受天休命積祉所鍾其在

孩提岐嶷發蹤謙闕一守約惟誼是從孝深凱

風志潔羔羊樂是闕二恬此闕一光孳孳臨川

闕見闕一墻庶仰其首微妙元通闕一然清邈

闕六升闕一為帝股肱扶助大和萬民闕一案碑

作適乃蒙顯宗闕二史官書功昊天上帝降茲

鞠凶晦忽徂逝闕四不享闕一考大命闕二百

遺察惟后帝感傷學夫喪師士女悽愴闕一

字表金門令問不忘垂闕一後昆萬載歎誦

尚書丞沛國蕭曹芝闕一宣成武令中山安熹

曹种闕二豐令下邳良成徐崇闕二故陳留府

丞魯國魯闕四防東長齊國臨菑菑字紀伯

允書此碑嚴祺字伯曾

右漢敦煌長史武斑碑歐陽公謂其字畫

殘滅氏族州里官闕卒葬皆不可見趙氏

謂以所藏本考之斑官闕氏族與卒之年

月皆歷歷可辨趙氏生歐公之後不應其

本若是豈歐公者搨于當時而趙氏者得

之古搨耶予家本視趙氏雖若不逮然亦

有可觀者

金薤琳琅卷四

金薤琳琅卷五

太僕少卿吳郡都

穆

漢執金吾丞武榮碑

漢荊州刺史度尙碑

漢桂陽太守周府君碑

并陰

漢衛尉衡方碑

漢執金吾丞武榮碑

君諱榮字舍和治魯詩經韋君章句闕幘傳講

孝經論語漢書史記左氏國語廣學甄微靡不

貫綜久游大學藐然高厲蠡於雙匹學優則仕

為州書佐郡曹史主簿督郵五官掾功曹守從

事年卅六汝南蔡府君察舉孝廉闕二郎中遷

執金吾丞遭孝相大憂屯守元武感哀悲慟加

遇害氣遭疾隕靈闕四君即吳郡府卿之中子

敦煌長史之次弟也廉孝相承亦世載德不忝

闕四命闕一不竟台衡蓋觀德於始述行於終

於是刊石勒銘垂示無窮其辭曰

天降雄彥資才卓茂仰高鑽堅允文允武闕一

字碑作幹案三署外闕一師旅闕一勒屯守舊威闕一

字武闕一旗絳天雷震電舉歎耀赫然陵惟哮

帛當遂股肱闕一之元輔天何不弔降此闕一

咎瘳乎我君仁如不壽爵不副德位不稱功咸

裹傷愴遠近哀同身沒闕二萬世諷誦

右漢執金吾丞武榮碑歐陽公謂其文字

殘闕不見卒葬年月及氏族所出予家本

殘闕與歐公同而隸釋所載者則又往往

可讀如云君即吳郡府卿之仲子敦煌長

史之次第此乃其氏族之所出也但碑文
簡短不書卒葬年月歐公特未之知耳

漢荊州刺史度尙碑

君諱尙字博平其先出自顓頊與楚同姓熊嚴

之後

闕一

亦世掌位統國法度秦兼天

下和之

純質秉黃中之正性知含淵藪仁隆春煖義高

秋雲行潔冰霜忼慨壯厲臨

下

休譽固已著矣

及其典牧必招振賢才抽拔幽逸選召所任極

當世之秀士養民有

下

令聞彌崇暉光日新可

謂盛德者已初奉歲計拜郎中除上虞長元化

潛洞百姓

下

數縣恩信並宣令行禁止以從父

憂去官更舉孝廉爲右校令是時南蠻蠢動擢

拜

下

醜殊俗賓服遠人用綏封右鄉侯遷遼東

太守旬月之間歲貉寧輯會楊賊畔於

下

拜中

郎將料敵制勝威謀合神持重優於營平深入

則輕冠軍附士渥於李廣御衆

下

同滋味必達

井辨幕然後飲舍惠以厚下說以犯難是故所

征輒剋師徒無頓

下

寇殄殪干戈載戢走馬以

金苑珠璣 卷五 三
糞朝貪厥重復拜荊州刺史以故秩居冊書慰

薦因賜下之荆域號慕雖周人之思召伯弗此

踰也於是故吏感清廟之頌歎斯父之詩乃下

曰

於惟我侯允懿允明文武是該克忠克貞粵初

發藻在彼上虞邁種厥德下矣匪祿是榮無言

不讎帝揚厥聲俾作配關一往撫於荆撫荆惟

何南夏是下邦家截彼海外績莫匪嘉天生我

侯實為民望心乎其愛四方是印如何不永下

而不朽芳烈遺兮

永康元年歲在鶉尾龍集丁未時維關二歲下

右漢荊州刺史度尚碑尚後漢書有傳碑

今在徐州州治蓋成化閒吾鄉顧君崇善

以工部郎中管理河道見其淪於湖陵城

闡出之遂置於此按酈道元水經注云湖

陵城東有度尚碑則自漢至晉自晉至今

而此碑未嘗徙也又隸釋云政和中巡檢

王當世見其在湖陵荒野遷之官廨後邑

令滕君欲徙碑於沛舟載而覆沈沒不出
又其後劉宗儀攝令乃立之於使星亭然
不知此碑何年復淪入水中今惟存其首
漢荊州刺史度侯之碑九字其餘文字悉
皆漫滅特頑然片石而已蓋開水撞激日
久其字之不存宜也

漢桂陽太守周府君碑

桂陽太守周府君者徐州下邳人也諱憬字君
光體性敦仁天姿篤厚行興閭門名闕一州里

舉孝廉拜尚書侍郎遷汝南固始相遂拜桂陽

廼宣魯衛之政敷二南之澤政以德綏化猶風

騰撫集烝細闕一綏有方進則貞直退則錯枉

崇舉濟濟吉士充朝招訓闕一蒙開誘六蔽君

子道長小人道消信感神祇靈瑞符闕一嘉穀

生於野奇草像闕一字案莆異根之樹超然

連理於此闕一字時邦域惟寧郡又與南海接比

商旅所臻自瀑亭至乎曲紅壹由此水其水源

也出於王禽之山山蓋隆闕三字于天泉肇沸踊

發射其顛分流離散為十二川彌陵隄阻邱阜

錯連隅陬壅遏未由騁焉爾乃貫山鑽石經闕四

字揚爭怒浮沈潛伏虵龍結屈澧隆鬱浥千渠

萬澮合聚谿澗下迄安闕一字案六龍作難

湍瀨闕二字案泫泫潺湲雖詩稱百川沸騰

高岸為谷深谷為陵蓋莫若斯天軌所經惡得

已改其下注也若奔車失轡狂牛無縻闕一字勿

荒忽臚睦不相知及其上也則羣輩相隨檀柁

提闕一字唱號忼慨沈深不前其成敗也非徒喪

寶玩隕珍奇替珠貝流象犀也往古來今變甚

終矣于是府君乃思夏后之遺訓闕一字應龍之

畫傷行旅之悲窮哀闕一字案人困厄感蜀

守冰殄絕犁雕堆字嘉夫昧淵永用夷易廼命良

吏闕一字案帥壯夫排積闕一字案石投

之寮闕二字高填下鑿截回曲弼水之邪性順導

其經脈斷碩溢之電波弱陽侯之汹涌由是小

溪蹊字乃平直大道允通利抱布貿絲交易而至

升涉周旋功萬於前除昔闕二字樹基於茲雖非

金華瑤瑤 卷五 六
龍門之鴻績亦人君之德宗故船人歎於水渚
行旅語于塗陸孔子曰禹不決江疏河吾其魚
矣於是熹平三年歲在攝提仲冬之月曲紅長
零陵重安區社字景賢遵承典憲宣揚德訓帥
禮不越欽仰高山乃與邑子故吏龔臺郭蒼龔
維等命工擊石建碑于瀧上勒銘公功傳之萬
世垂示無窮其辭曰

乾以剖兮建兩儀剛柔分兮有險夷咨中嶽兮
穆崔嵬歎衡林兮獨傾虧增陵隋兮甚隘陁鮌

莫涉兮禹不規仰王禽兮又崑崙俯瀧淵兮怛
以悲岸參天兮無路後石縱橫兮流洞洞波隆
隆兮聲若雷或抱貨兮以從利或追恩兮有赴
義汎舟楫兮有不避闕一字躬軀兮於元池委性

命兮於芒緇憐寒慄兮不皇計忽隨流兮殆忘
歸懿賢后兮發聖笑閉不通兮治斯谿蹙巨石

兮以湮填開切闕一字 隸釋作恁 案兮導曲機摧六瀧

兮弱闕字兮散其波威怒定兮混瀾瀾息聊湫

兮闕字逝兮蛟龍藏陸老唱兮臚人歌名冠世

金華珠璣 卷五
兮超踰倫今稱闕字 一兮燿流沙功斐斐兮鏡海
裔君乎君乎壽不訾

右漢桂陽太守周府君碑歐公謂其名已
殘闕但知其字爲君光而已趙氏引曾南
豐之言謂周君名昕以爲歐公考之未詳
而其後小字復謂歐公集別有一跋云周
君名憬而又以爲字頗近之予按隸釋云
君諱憬字君光與歐公後跋正合則南豐
所謂名昕者固爲失之而趙氏又何必置

疑於其閒哉

此碑元季廬陵陳謨跋謂漢刻本在瀧上
唐重刻本在曲江廟中不知何時徙置郡
學韶州守錢旭旣新府治以韶在漢屬桂
陽乃徙置之後楊文貞公跋亦云碑在韶
州府治按府治今爲淮王府碑由是仍徙
曲江廟中東廣漢碑絕少所有惟斯而已
周府君碑陰
故曲紅長零陵重安區祉字景賢故含涯長南

郡闕一字案蒼陸字闕一字夏故滇陽守長南

平丞長沙漢昌蹇祇字宣節故行事未陽華夏

字漢威故荊州從事曲紅龔臺字少謙故荊州

從事曲紅郭蒼字伯起故荊州從事柳王鼎字

季尼故南部督郵曲紅龔雒字闕一字然故吏曲

紅鄧音字孝直故吏曲紅朱隲字義德故吏曲

紅張涼字子才故吏曲紅龔達字叔通故吏曲

紅黃部字世尼故吏曲紅周蓋字伯嘗故吏曲

紅黃晏字子齊故吏曲紅馬珪字元序故吏曲

紅潭承字曼升故吏曲紅劉鵠字季產故吏曲

紅黃祺字叔仁故吏曲紅周習字仲鸞故吏曲

紅劉越字子省故吏柳褚禧字闕一字讓故吏未

陽蔡闕一字字已明故滇陽左尉零陵泉陵闕三字

故吏滇陽劉萌字仲闕一字故吏滇陽左勝字仲

升故吏滇陽左蘇字妙舉故吏滇陽宋碩字子

張故吏含涯堯禹字公制故吏含涯張邵字曼

威故吏含涯黃詳字伯節工師南陽宛王遷字

子疆

漢衛尉衡方碑

府君諱方字興祖肇先蓋堯之苗本姓闕二則

有伊尹在殷之世號稱阿衡因而氏焉闕三土

家于平陸君之烈祖少以儒術安貧樂道履該

顏原兼脩季由聞斯行諸砥仁痛闕四土階夷

愍之貢經常伯之賓位左馮翊先帝所尊垂名

竹帛考廬江大守兄鴈門大守闕三孝長發其

祥誕降于君天資純懿昭前之美少以文塞敦

龐允元長以欽明耽詩悅書闕三秋仕郡辟州

舉孝廉除郎中郎邱侯相膠東令遵尹鐸之導

保鄣二城參國起按斑敘闕三本肇末化速郵

置州舉尤異遷會稽東部都尉將繼南仲邵虎

之軌飛翼軫之旄操參闕三綏來王之蠻會喪

太夫人感背鄣人之凱風悼蓼儀之劬勞寢聞

苦闕一字案碑作由仍闕一字上言倍榮向哀札服祥除

徵拜議郎右北平大守尋李廣之在邊恢魏絳

之和戎戎戢土佚費省巨億懷闕四靜有績遷

穎川大守脩清滌俗招拔隱逸光大茅茹國外

浮闕一字案碑作議界繆動氣泄狂闕五歸來洙泗用

行舍藏徵拜議郎遷大醫令京兆尹舊都餘化

詩人所詠並有亡新君闕四隆寬慄鶉火光物

隕霜剿姦振滯起舊存亡繼絕恩降乾太威肅

剝川坤字本朝錄功入登衛闕二翼紫宮夙夜惟

寅委蛇在公有單襄穆典謨之風詔選賢良招

先逸民君務在闕一失順其文舉已從政者退

就勅巾永康之末君衛孝桓建寧初政朝用舊

臣留拜步兵校尉處六師之帥維時假階將授

緄袞字職受任浹旬奄離寢疾年六十有三建寧

元年二月五日癸丑卒詔遣使闕二弔賻禮百

賓臨會莫不失聲其年九月十七日辛酉葬蓋

雅頌興而清廟肅中庸起而祖宗闕一故仲尼

既歿諸子綴論斯干作歌用昭于宣闕一字案碑作誼

即諡以旌德銘以勒勲於是海內門生故吏闕三

字采嘉石樹靈碑鐫茂伐祕將來其辭曰

峨峨我君懿烈孔純高朗神武歷世忠孝馮隆

鴻軌不忝前人寬猛不主德義是經韜綜頌闕一

字溫故前呈攬英接秀踵迹晏平初據百里顯

顯令聞濟康下民曜武南會邊民是鎮惟闕三

憂及退身參議帝室剖符守藩北靖闕二有闕一

字有聲旋守中巒幽滯以榮邁種舊京闕四含

澤戴仁闕二攸寧剋長剋君不虞不揚維明維

允燿闕一聲香能哲能惠剋亮天工入統

字闕二赴赴光光法言稽古道而後行兢兢業業

素絲羔羊閭閻侃侃顛顛昂昂何規履渠金玉

其相謇謇王臣羣公憲章樂旨君子闕二无疆

銘勒金石闕五問闕二萬世是傳門生平原樂陵朱登字仲

闕下

右漢衛尉衡方碑其敘門闕云伊尹在殷

號稱阿衡因以為氏君考廬江太守兄鴈

門太守敘官秩云歷郎中即邱侯相膠東

令遷會稽東部都尉徵拜議郎北平潁川

兩太守太醫令京兆尹入登衛尉至步兵

校尉敘卒葬云年六十三建寧元年二月

五日癸丑卒其年九月十七日辛酉葬文

字詳悉頗爲完好漢碑中之不易得者洪
丞相謂碑云履該顏原卽顏淵原憲子觀
其下繼之云兼修季由蓋仲由一字季路
季由卽季路也

金薤琳琅卷五

金薤琳琅卷六

太僕少卿吳郡都穆

漢酸棗令劉熊碑

漢淳于長夏承碑

漢西嶽華山廟碑

漢元儒先生婁壽碑

漢蕩陰令張君碑

漢酸棗令劉熊碑

君諱榮字孟闕一廣陵海西人也厥祖天皇大

帝垂精接感篤生聖明字闕一仍其則子孫亨之

分源而流枝葉扶疏出王別允受爵列土封侯

載德相繼丕顯字闕五光武皇帝之元孫廣陵王

之孫俞鄉侯之季子也誕生照明岐嶷踰絕長

字闕四柴守約履勤體聖心獻敦五經之瑋圖兼

古業覈其妙行脩言道字闕五宜京夏莫不師印

六藉五典如源如泉既練州郡卷舒委隨忠貞

字闕一效官字闕三出省揚土流化南城政猶北辰

衆星所從三祀有成來臻我邦循東字闕一之惠

抑字闕一禮官賞進厲頑約之以禮博之以文政

教始初慎徽五典勤恤民殷字闕一心顧下字闕二

仁恩如冬日威猛烈炎夏貪究革情清脩勸慕

德惠潛流鬯芳布九愍縣字闕一濟濟之儀孜

孜之踰帥厲後學致之雍泮草上之風莫不嚮

應悅誨日新砥字闕二素七業勃然而興咸居今

而好古雖未盡道善必有所由處民之秉彝寔

我劉父其人魯無君子斯焉取旃允我劉父言

善誘人講禮習聆匪徒豐學屢獲有年字闕一載

克成神民協欣兩不相傷故德交歸焉自古在

昔先民有作洪勲則甄盛德闕一字刻表諸來世

垂之罔極褒賢表善揚幽拔微式序在位量能

授宜官無曠事闕二字為正以卒為更愍念烝民

勞苦不均為作正彈造設門更富者不獨逸樂

貧者闕一字順四時接和感暢歲為豐穰賦稅不

煩寔我劉父吏民愛若慈父畏若神明悔闕一字

令德清越孤竹德牟產奇誠宜褒顯照其憲則

乃相闕一字咨度諏詢采摭謠言刊闕一字詩三章

其辭曰

清和穆鑠寔惟乾闕一字惟嶽降靈篤生我

君服骨獻聖允鍾厥醇誕生岐嶷言協闕一字墳

懿德震耀孝行通神動履規繩文彰彪績成是

正服以道德民

有父子然後有君臣理財正辭束帛闕一字戔

夢刻像雀鳴一震天臨保漢寔生闕一字勲明試

賦授夷夏已親嘉錫來撫潛化如神其神伊何

靈不傷人

猗歟明哲秉道之樞養

闕一字

之福惟德之隅淵

乎其長渙乎成功

闕一字

暇民豫新我

闕一字

通用

行則達以誘我邦賴茲劉父用說其

闕一字 案碑作蒙

澤零年豐黔首歌頌

右漢酸棗令劉熊碑集古錄作俞鄉侯季

子碑且謂碑云君諱熊字孟下闕一字復

引後漢書光武子曰廣陵思王荆荆子元

壽等四人皆封鄉侯而不載其名

案後漢書元壽

紹封廣陵侯其弟三人皆封鄉侯此叙次未甚明析

俞鄉侯者不知

為誰金石錄引酈道元水經注云酸棗城

內有漢縣令劉孟陽碑則所缺一字當從

水經為陽又引李利涉編古命氏及唐宰

相世系表皆云荆王

案王字疑衍

生俞鄉元侯

平平生彪襲封則熊當為彪之弟乃光武

曾孫而曰元孫者碑之誤也隸釋歐陽公

不知碑在酸棗無以名其官遂謂之俞鄉

侯季子碑而引王建題此碑詩云不向圖

經中舊見無人知是蔡邕碑而又疑其非

金華珠璣 卷六 四
中郎筆法子則以爲建生于唐其云蔡邕
碑者蓋本之圖經而非鑿空而言洪氏不
當于此而疑之也

漢淳于長夏承碑

君諱承字仲充東萊府君之孫大尉掾之中子
右中郎將弟也累葉牧守印紱典據十有餘人
皆德任其位名豐其爵是故寵祿傳于歷世策
薰著于王室君鍾其美受性淵懿含和履仁治
詩尚書兼覽羣藝靡不尋暢州郡更請屈已匡

君爲主簿督郵五官掾功曹上計掾守令冀州
從事所在執憲彈繩糾枉忠絜清肅進退以禮
允道篤愛先人後已克讓有終察孝不行大傅
胡公歆其德美旌招俯就羔羊在公四府歸高
除淳于長到官正席流恩褒善糾姦示惡旬月
化行風俗改易輻軒六轡飛躍臨津不日則月
皓天不弔殲此良人年五十有六建寧三年六
月癸巳淹疾卒官嗚呼痛哉臣隸辟踊悲動左
右百姓號咷若喪考妣咳孤憤泣忉怛傷摧勒

漢書帝三年庚戌

銘金石惟以告哀其辭曰
於穆皇祖天挺應期佐時理物紹縱先軌積待
勤約燕于孫子君之羣戚並時繁祉明明君德
令問不已高山景行慕前賢列庶同如蘭意願
未止中遭冤戾不終其紀夙垂實祚早喪懿寶
抱器幽潛永歸蒿里痛矣如之行路感動儻魂
有靈垂後不朽

右漢淳于長夏承碑金石錄云元祐中洛
州因治河得之於土壤中刻畫完好如新

隸釋云此碑字體奇怪唐人蓋所祖述又
引梁庾元威論書載隸有十餘種此乃其
閒之一體宋鄭嶠書衡云漢石經諸刻乃
隸體八分夏承碑乃篆體八分然三家皆
不言爲何人書也元王文定公惲跋此碑
云蔡邕書夏承碑如夏金鑄鼎形模怪譎
雖蛇神牛鬼厖雜百出而衣冠禮樂已胚
胎乎其中所謂氣凌百代筆陣堂堂者乎
予由是始知爲中郎之蹟碑在今廣平府

學後刻尚書蔡邕伯喈及永樂七年等字
乃庸妄人所加然心竊疑之楊文貞公集
中亦有此跋謂近歲廣平府民因治河得
此蓋廣平古洺地也所謂近歲恐卽永樂
七年予向官京師時廣平通判山西宋孟
清爲予言府學復有一碑字與此類予益
疑焉江陰徐子擴好奇士也嘗得舊刻雙
鉤其字近以惠予與此絕異此云勤紹舊
刻作勤約且其閒字之闕者四十有五而

此獨完好則其僞不俟乎言而予昔日之
疑始釋然矣

楊公跋又謂中書舍人陳登以碑爲蔡伯
喈書蓋不攷王氏文集之故後公撰登墓
志言永樂閒以篆書名者登之外有吳中
滕用亨及四明王尹實予觀三家之篆用
亨第一登不能逮若尹實則惟用燥筆又
在登之下登門人有程南雲者以篆書得
至顯官其用筆雖熟然殊乏古法觀此亦

可以知其師矣

漢西嶽華山廟碑

周禮職方氏河南山鎮曰華謂之西嶽春秋傳曰山嶽則配天乾坤定位山澤通氣雲行雨施既成萬物易之義也祀典曰日月星辰所昭印也地理山川所生殖也功加于民祀以報之禮記曰天子祭天地及山川歲徧焉自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方

親至其山柴祭燔燎夏商則未聞所損益周鑒於二代十有二歲王巡狩殷國亦有事于方嶽祀以圭璧樂奏六歌高祖初興改秦淫祀大宗承循各詔有司其山川在諸侯者以時祠之孝武皇帝脩封禪之禮思登徃之道巡省五嶽禋祀豐備故立宮其下宮曰集靈宮墜曰存僊墜門曰望僊門仲宗之世重使使者持節祀焉歲一禱而三祠後不承前至于亡新濳用邱虛訖今垣趾營兆猶存建武之元事舉其中禮從其

省但使二千石以歲時往祠其有風旱禱請祈
求靡不報應自是以來百有餘年有事西巡輒
過享祭然其所立碑石刻紀時事文字摩滅莫
能存識延熹四年七月甲子宏農大守安國亭
侯汝南袁逢掌華嶽之主位應古制脩廢起頓
閱其若茲深達和民事神之義精通誠至禱祭
之福乃案經傳所載原本所由銘勒斯石垂之
于後其辭曰

巖巖西嶽峻極穹蒼奄有河朔遂荒華陽觸石

興雲雨我農桑資糧品物亦相瑤光崇冠二州
古曰雖梁馮于幽岐文武克昌天子展義巡狩
省方玉帛之贄禮與岱亢六樂之變舞以致康
在漢中葉建設宇堂山嶽之守是秩是望侯惟
安國兼命斯章尊脩靈基肅其壇場明德惟馨
神歆其芳遏禳凶札拏斂吉祥歲其有年民說
無疆
袁府君肅恭明神易碑飾闕會遷京兆尹孫府
君到欽若嘉業遵而成之延熹八年四月廿九

日甲子就袁府君諱逢字周陽汝南汝陽人孫
府君諱璆字山陵安平信都人時令朱頡字宣
得甘陵鄒人丞張舅字少游河南京人左尉唐
佑字君惠河南密人主者掾華陰王萇字德長
京兆尹勅監都水掾霸陵杜遷市石遣書佐新
豐郭香察書刻者潁川邯鄲公脩蘇張工

案碑君闕一字
作郭君案碑作遷

右漢西嶽華山廟碑予得之御史宋君良

興美彌集古錄引碑文云漢武帝巡省五嶽立

宮其下宮曰集靈殿曰存仙門曰望仙而

以為集靈宮者他書皆不見惟見此碑金

石錄引漢地里志云華陰有集靈宮水經

注云敷水北經集靈宮而謂不特此碑載

之及觀之董氏書跋云集靈宮漢志既書

之桓譚嘗賦之張景序曰世宗經集靈之

宮而復謂三輔黃圖書其制度藝文類聚

亦書其名則又金石錄之所未及者此亦

可以見博古之難矣

此碑後題云新豐郭香察書楊文貞公跋
謂漢魏之碑多不載書刻人氏名此獨詳
焉遂因之有聞于今而文貞惟以爲郭香
書而不曰香察其意蓋疑香察不類人名
故也隸釋云東漢循王莽之禁人無二名
郭香察書者察莅他人之書其說爲得此
文貞之所未知然洪氏亦不言爲何人書
也按徐浩古迹記以碑爲蔡中郎書浩深
于字學且生唐盛時殆非鑿空而言洪氏

失之于不攷耳

漢元儒先生婁壽碑

先生諱壽字元考南陽隆人也曾祖父脩春秋
以大夫侍講至五官中郎將祖父大常博士徵
朱爵司馬親父安貧守賤不可營以祿先生童
孩多奇岐嶷有志挽髮傳業好學不厭不脩廉
隅不飭小行溫然而恭慨然而義善與人交久
而能敬榮且溺之耦耕甘山林之杳藹遜世無
悶恬佚淨漠徧徠衡門下學上達有朋自遠冕

金華瑤瑤 卷六 十一
紳莘莘朝夕講習樂以忘憂郡縣禮請終不回
顧高位厚祿固不動心麓絺大布之衣糲糶蔬
菜之食蓬戶茅宇樞樞甕牖樂天知命權乎其
不可拔也是以守道識真之士高尚其事鄉鄙
州鄰闕一親愛懷年七十有八熹平三年正月
甲子不祿國人乃相與論德處諡刻石作銘其

詞曰

皇矣先生懷惠惟明優於春秋元嚶有成知賤
爲貴與世無爭徧徠衡門禮義滋醇窮下不苟

知我者天身歿聲鬯千載作珍縣之日月與金
石存

右漢元儒先生婁壽碑集古錄云在光化
軍乾德縣予自夷陵貶所再遷乾德令壽
有墓在穀城界中而碑在墓側遂遷碑還
縣立于勅書樓下則碑在當時得免于毀
棄者歐陽公之力也隸釋云元儒先生蓋
國人私諡猶陳寔之文範法真之元德而
其末流之弊更相標榜三君八顧之目紛

然而奇禍作矣予謂漢人之好標榜其罹
禍固宜然自漢至今千有餘年而私諡不
廢亦未聞有罹禍者此又不可以執一論
也光化軍卽今襄陽府之光化縣而乾德
亦其地云

漢蕩陰令張君碑

君諱遷字公方陳畱已吾人也君之先出自有
周周宣王中興有張仲以孝友爲行披覽詩雅
煥知其祖高帝龍興有張良善用籌策案舊本作蕭何

誤今改正

在帷幕之內決勝負千里之外析圭於畱

文景之間有張釋之建忠弼之謨帝遊上林間
禽狩所有苑令不對更問嗇夫嗇夫事對於是
進嗇夫爲令令退爲嗇夫釋之議爲不可苑令
有公卿之才嗇夫喋喋小吏非社稷之重上從
言孝武時有張騫廣通風俗開闕畿寓南苞定

殯一作償一作賓

八蠻西羈六戎北震五狄東勒九夷荒遠旣殯

通作

各貢所有張氏輔漢卽載其德爰旣且案

二字合

於君蓋其纏縵纘戎鴻緒牧守相係不

殞高問孝弟於家中謇於朝治京氏易聰麗權略藝於從畋少為郡吏隱練職位常在股肱數

為從事聲無細聞徵拜闕一中除穀城長蠶

月之務不閑四門闕正之際休囚歸賀八月莢

案即算字舊誤民不煩於鄉隨就虛落存恤高

年路無拾遺黎種宿野黃巾初起燒平闕市

斯縣獨全子賤孔蔑闕一道區別尚書五教君

崇其寬詩云愷悌君隆其恩東里潤色君垂其

仁邵伯分陝君懿于棠晉陽珮瑋通作西門帶

弦君之體素能雙其勛流化闕八基遷蕩陰令

吏民頡頏隨送如雲周公東征西人怨思奚斯

讚魯考父頌殷殺前詰遺芳有功不書後無述焉

於是刊石豎表銘勒萬載三代以來雖遠猶近

詩云舊國其命惟新

於穆我君既敦既純雪白之性孝友之仁紀行

來本蘭生有芬克岐有兆綏御有勛利器不覲

魚不出淵國之良幹垂愛在民幣沛棠樹溫溫

恭人乾道不繆惟淑是親既多受祉永享南山

千祿無疆子子孫孫

惟中平三年歲在攝提二月震節紀日上旬陽

氣厥枿感思舊君故吏韋萌等僉然同聲賃師

孫興刊石立表以示後昆共享天祚億載萬年

右漢蕩陰令張君碑碑云君陳畱已吾人

治京氏易少爲縣吏徵拜郎中除穀城長

遷蕩陰令後云中平三年二月故吏韋萌

等刊石立表蓋其去思碑也字特完好可

讀漢碑中之不易得者攷之東漢地里志

蕩陰屬河內郡卽今彰德府之湯陰縣已

吾屬陳畱郡卽今開封府之夏邑縣

此碑予官京師時嘗于景太史伯時處見

舊搨本不及錄近得之友人文徵仲按隸

釋云東漢及魏其碑到今不毀者十才一

二凡歐趙錄中所無者世不復有予生去

宋數百年而此本兩見歐趙錄中蓋未嘗

載隸釋并隸續亦無其文通志金石略所

載碑目雖多然亦未之及乃知昔人之言

未必可信而舊物之在天壤閒者固不可
盡謂之無也

金薤琳琅卷六

金薤琳琅卷七

太僕少卿吳郡都穆

漢堂邑令費鳳碑

漢堂邑令費鳳別碑

漢溧陽長潘乾校官碑

漢郎中鄭固碑

漢廬江太守范式碑

漢堂邑令費鳳碑

惟嘉平六年歲格于大荒无射之月堂邑令費

君寢疾卒嗚呼哀哉於是夫人元弟故闕三字守

卜允追而誄之其辭曰

君體履柔酥溫其如玉脩孝友乎閨闕執忠謇

於王室立迹州郡仕更右職舉直措枉強禦闕一

字字貸貢孝三署勛譽有則出宰近甸民懷厥德

色斯輕翔翻然高絜王人述職分闕一字班爵台

字闕二字招助鼎調物退已進弟不營榮祿栖遲歷

稔項領滯畜鄣土不庭黔民作闕一字命君

字闕二字政化闕一字行從善遷惡三暮致道有恥且

格牧守旌功轉左堂邑垂拱不言而民帥伏三

時之間卒以闕一字洽旻天不弔命也早歿春秋

六十六梨儀瘁傷泣涕連漉豈愛我躬命不可

贖臨終迷闕三字內發祖業良田畝直一金推予

弟息辭位讓財行義高邵卓不可及名實相副

有始有卒闕二字人善癯兮忉惻

故吏故鄣施業字世堅義民堂邑戚忠忠年十

有一慈考早隕喪以備于禮制蓬首而闕三字壤

而消辟地闕三字行母氏以闕四字而悼傷服闕一字

兼五五縷杖其未除廣陵之郡守東海闕二聞

寢疾而終卒凡百普悲闕四舜化比屋之餘慶

隨闕一棺柩車哀以而逆之祖載已畢訖還返

其故鄉君闕一其節操悲其有闕二每以闕五

其老親忠闕二君厚德念君之仁恩聞君之隕

隧剝斷而辛酸復截縷麻杖闕一君之柩棺扶

號而竭闕一泣涕其闕八甫於岐山闕二其從

之逃君而到官上書而薦君盡禽息之闕三君

之闕三君闕一三闕七於山闕一列種嘉奇樹

特為之潤鮮忠業與闕二猶君恩使然雖君有

大化孰能爾者難子喪之終闕三思其顏而闕一

字死可贖不愛闕二人今君闕一於彼卓譎而

超倫吏民慕高蹤來者其如雨偉名建闕一案隸

釋作石垂示于闕二

門下功曹徐侃字元節主簿呂嘉字元闕一主

史陳信字聖舉主記史闕一忠字建臺門下游

徽闕二字叔騰門下賊曹闕二字聖臺門下史

曹助字仲臺闕一吏呂常字孝讓從掾位徐超

字元貴

右漢堂邑令費君碑乃君夫人之弟卜允所撰蓋誄辭也辭之後載鄆土故吏施業堂邑義民戚忠皆竭力送終而忠之所行尤爲卓絕攷之費君沒時忠有廣陵之役旣聞訃來奔祖載還鄉及葬有期復截纒麻扶號柩前列植邱木誠可謂之義矣漢去古未遠故民俗之厚如此若後世其可得哉

漢堂邑令費鳳別碑

君舅家仲孫甘陵石勛字子才載馳載驅來奔于喪庭肝摧意悲感切傷心瞻彼碑誄懷之好音司馬慕蘭相南容復白珪仰之以彌高鑽之而彌堅不堪哀且思叙詩之一篇庶幾昔子夏起夫子之所言其辭曰

君諱鳳字伯蕭梁相之元子九江太守之長兄也去德襲爵銀艾相亞恢遐祖之鴻軌拓前代之休蹤邈逸越而難繼非羣愚之所頌仁義本

於心慈孝著於性言不失典術行不越矩度清
潔皦爾泥而不滓恤憂矜厄施而不記由近及
遠靡不覆載故能闡令名而雲騰揚盛聲而風
布踐郡右職三貢獻計辟州式部忠以衛上漢
安二年吳郡太守東海郭君以君有透虵之節
自公之操年卅一舉孝廉拜郎中除陳國新平
長神化風靡惠以流下靜而爲治匪煩匪擾乾
乾日稷矜此黔首功成事就色斯高舉宰司委
職位思賢以自輔元懿守謙虛白駒以闕一字
案碑

作 隄丹陽有越寇沒闕四 命君討理之試守故

鄣長蓋危亂有不讓又畏此之闕二字 案而

闕三 牧爰止其師旅鳩若飛鷹鷄闕一字 案若

夫虓虎彊者綏以德弱者以仁撫簡在上帝心

功訓而特紀幡輿宰堂邑基月而致道視闕四

遂據于卿尹中表之恩情兄弟與甥甥鳩與女

蘿性樂松之茂好聞君顯令名舉宗爲歡喜不

悟奄忽終藏形而匿景耕夫釋耒耜桑婦投鉤

莒道阻而且長望遠淚如雨策馬循大路擧裳

而涉洧

闕二字
隸釋作悠

歌

案闕一字
案碑作黍

離思

案此句
似衍一

字

黃鳥集于楚惴惴之臨穴送君於厚土嗟嗟

悲且傷每食

闕一字

不絕夫人篤舊好不以存亡

改文平感渭陽悽愴益以甚諸姑咸璧踊爰及
君伯姊孝孫字元宰生不識考妣追惟厥祖恩
蓬首斬縗杖世所不能爲流稱於鄉黨見吾若
君存剝裂而不已壹別會無期相去三千里絕
翰永忼慨泣下不可止

右漢堂邑令費鳳別碑歐陽公直以爲費

鳳碑趙明誠則以爲費鳳碑陰隸釋謂費
氏父子三碑並列於吳興校官壁蓋鳳之
父汎爲梁相有碑而鳳亦自有碑此則鳳
中表石勛字子才之所述也集古後錄謂
勛不遠三千里而會中表之喪觀此情友
親厚之心可以悠然而生則隸釋所稱別
碑爲是三碑今皆不存此予得之四明豐
解元坊宋搨本也

漢溧陽長潘乾校官碑

蓋漢三百八十有七載闕三字于闕四字銘工著斯

金石界誄曰

溧陽長潘君諱乾字元卓陳國長平人蓋楚大

傅潘崇之末緒也君稟資南闕一字之闕四字德之

絕操鬚髦闕一字敏闕一字學典謨祖講詩易剖演

奧藝外覽百家衆闕一字挈聖抱不測之謀秉高

世之介屈私趨公即仕佐上郡位既重孔武赴

著疾惡義形從風征暴執訊獲首除曲阿尉禽

姦彘猾寇息善歡履菰竹之廉蹈公儀之絜察

廉除茲初厲清肅賦仁義之風闕三字之迹垂化

放虜岐周流愛雙虜闕二字親闕一字取寶智進直退闕一字

野布政優優合儀令色獄無呼嗟之冤楸無叩

匈之結矜孤頤老表孝貞節重義輕利制戶六

百省無正繇不賚賚自畢百姓心歡官不失實於

是遠人聆聲景附樂受一塵既來安之闕一字役

三年惟泮宮之教反闕一字俗之禮構脩學官宗

懿招德既安且寧干侯用張匱豆用敝發彼有

的雅容闕一字閑鍾磬縣矣于胥樂焉乃作叙曰

翼翼聖慈惠我藜蒸貽我潘君平茲溧陽彬文

赴武扶弱抑彊闕一刈颯雄流惡顯忠咨疑元

老師馭作朋脩學童冠琢質繡章寔天生德有

漢將興尙且在昔我君存今闕一此龜艾遂尹

三梁永垂支百民人所彰子子孫孫昇尔熾昌

丞沛國銓趙勳字萼伯左尉河內汲董竝字公

房右尉豫章南昌程陽字孝遂

時將作吏名戶曹椽楊淮議曹掾李就議曹掾

梅檜戶曹史賀闕一從掾位侯祖主記史吳超

門下史吳訓門下史吳翔門下史時球

光和四年十月己丑朔廿一日己酉造

漢校官碑宋紹興十一年溧水尉喻仲遠

得于固城湖濱置之官舍今在孔廟之大

門右長樂陳長方雖嘗碑其所得本末釋

文則未之見碑以靈帝光和四年歲在辛

酉造距今凡一千一百五十三年番陽洪

景伯先生出字爲之釋謂挈爲契犖爲黎

昇爲俛楸爲野賚爲責剗去其刀賢去其

金華瑣瑣 卷一
貝干侯與豸侯通尙且謂太公周公可謂
精審有據其餘不可辨者尙有二十七字
今觀首行自三百字以下止斯字凡十有
六字比之洪氏作釋文時又皆不可攷且
如第三行之字之下是禱字禱下闕一字
有天字敏之上是克字衆之下是儁字案碑
隱躍是退之下是慝字役之上爲復反之
儁字下爲失此之上爲卽案碑是皆隱隱可見
洪則悉以爲闕文如旣安且寧則以爲呂

寧梅檜則以爲桓檜豈當時誤于墨本而
然耶溧陽志至謂元卓爲元貞是又以名
乾而傳會也禧承乏于茲暇日與士友曹
國傑摩莎久之得其二三因以洪先生釋
文列于上僭附所見于其下勒諸樂石以
補前脩之所未及者餘尙俟博雅君子云
至順四年龍在癸酉夏五月文學掾濟陰
單禧謹識
右漢溧陽長潘乾校官碑在今南畿溧水

縣學蓋溧水即漢溧陽地也予初得此碑而不知其有釋文近始得之乃元至順四年校官單禧所為而刻之者也禧謂此碑宋紹興中縣尉喻仲遠得于固城湖濱置之官舍則其得免于毀棄仲遠之力也禧又有跋謂考訂碑文與隸釋不同者二十七字而復辨溧陽志之失可謂有功于文字者故備錄之

案單君謂洪氏所釋外不可辨者尚有二十七字即隸釋所注為闕者是也單君於

洪氏所闕者得八字又異同者二字今南濠乃以二十七字皆為禧所考訂殊欠精審

漢郎中鄭固碑

今剝落不成觀矣

完研對過

凡十五行廿九字

君諱固字伯堅著君元子也含中和之淑質履上仁闕三字孝友著乎閨門至行立乎鄉黨初受

業於歐陽遂窮究于典籍膺游夏之文學襄冉季之政事弱冠仕郡吏諸曹掾史主簿督郵五官掾功曹入則腹心出則爪牙忠以衛上清以自脩犯顏謇悞造膝危辭加以好成方類推賢

桓帝十二年戊戌史誤
作延禧
靈帝末年光熹非是

達善遂遁退讓當世以此服之邦后珍璋以爲
儲舉先屈計掾奉我闕一貢清眇冠乎羣彥德
能簡乎聖心延熹元年二月十九日詔拜郎中
非其好也以疾固辭未滿期限從其本規乃邁
凶愍年卅二其四月廿四日遭命殞身痛如之
何先是君大男孟子有楊烏之才善性形于岐
嶷闕二見於垂髫年七歲而夭大君夫人所其
哀也故建闕一共墳配食斯壇以慰考妣之心
琦瑤延以爲至德不紀則鐘鼎奚銘昔姬闕二
字

武弟述其兄綜闕四行於菝陋獨曷敢忘乃刊
石以旌遺芳其辭曰

於惟郎中寔天生德頤親誨弟虔恭竭力教我
義方導我禮則傳宣孔業作世幙式模從政事上
忠以自勛貢計王庭華夏歸服帝用嘉之顯拜
殊特將從雅意色斯自得乃遭氛災隕命顛沛
家失所怙國闕一忠直俯哭誰訴仰號焉告嗟
嗟孟子苗而弗毓奉我元兄脩孝罔極魂而有
靈亦歆斯勒

按吳大帝十七年
後趙石弘並有延熹
蓋非是

右漢郎中鄭固碑歐陽公謂碑文磨滅官
闕卒葬年月皆莫可考予家本磨滅尤甚
蓋以去歐公之遠也而隸釋所載文字獨
完其云君著君之子延熹元年四月廿四
日遭命殞身年四十二則門闕與卒固可
考也歐公所錄在隸釋之前而乃云云若
此不可曉也

漢廬江太守范府君碑

君諱式字

闕八

功存有夏寔曰御龍

闕一

昨商

周世昭其隆晉主夏盟有士會者光演宏謨翼

崇霸業錫邑命族

闕一

為范氏則其後也君稟

靈醇之茂度體元亮之殊高徽柔懿恭明允篤

恕九德靡爽百行淵備宏道耽藝恢韜墳籍探

噴研機罔深不入若乃立德隆禮樹節寶真志

諒足以弼國篤友足以輔仁用能昭其洪懿聲

充宇甸接華彥於汝墳潤枯斃於荆漢超管鮑

之遐蹤信靈諱乎炳煥是以

闕一

化泉流芳

闕一

字鴻舊燿仁闡于權輿濟俗侔乎皇訓羣公偉

焉弓旌盈路再讓考闕二三府舉高第侍御史

拜冀州刺史糾剔瑕慝六教允施翰飛肅于鷹

揚典刑闕二軌闕一帝闕一其勲遷廬江大守

擬泰和以陶化昭八則以隆治彌闕一宏略惠

訓亡倦闕二協闕三齊闕二清源之深閎寶疏

氏之至順以病告辭韜光潛耀詠琴詩以寧闕九

字其猶充洽外內實紹德之奧藪而儀民之淵

表也未亮三事闕三終闕六常山相暨子汜孫

而允嗣罔繼粵青龍三年正月丙戌縣長汝南

薛闕七感靈墀之不饗思隆懿模以紹奕世乃

與縣之碩儒咨典謨之中闕一同宗闕三之胄

昭告祖考俾守厥祀本支著宣融之祚人神協

休茂之慶焉禮也於是鄉闕二上計掾翟循州

部泰山從事史翟邵等僉以為君雖輝名載籍

光颺前列而靈墳亡闕一儀問靡述遂相與略

依舊傳昭撰景行刊銘樹墓以聲百世其辭曰

於昭上德實唐之允誕表靈和蹈規履信窮神

周覽祇道之訓邁德徽猶鴻漸闕一舊穢彼夸

毗實此醇懿以文會友以仁翼闕一敷化濟殖

羣生以遂永言孝思民之攸暨如何昊天不信

其軌明德不報允祚亡紀爰輯訓典詢爾髦士

育茲赫闕一以永遐祉詒厥孫謀耀于萬祀

右漢廬江大守范式碑式仕漢爲侍御史

拜荊州刺史遷守廬江官亦不卑而史氏

列之獨行傳中蓋以式之可重者在厚于

友誼其官爵固可略也此碑但云篤友足

以輔仁及云超管鮑之遐蹤其外更無他

語洪丞相謂未足以光颺盛德是已唐李

嗣真書後品以碑爲蔡伯喈書考之碑立

于魏明帝青龍三年則非伯喈之筆明矣

後鄭氏金石略亦云是蔡公書則又承書

品之誤也

金薤琳琅卷八

品之類也

蘇州刺史金不細亦云蘇恭公昔限又承
上殿則帝青階三年順其山洲之筆得於
國員青影品品新為蔡山洲書善之習立
請其悉林開未足以表風經惠且已自來

金薤琳琅卷八

太僕少卿吳郡都穆

隋皇甫府君碑

隋龍藏寺碑

隋姚恭公墓誌銘

隋緣果道場塼塔記

隨柱國左光祿大夫宏義明公皇甫府

君碑

銀青光祿大夫行太子左庶子上柱

完解對面

國黎陽縣開國公于志寧製

夫素秋肅煞勁草標於疾風叔世艱虞忠臣彰於赴難銜須授命結纓殉國英聲煥乎記牒徽烈著於旂常豈若豐起蕭牆禍生蕃翰強踰七國勢重三監其有蹈水火而不辭臨鋒刃而莫顧激清風於後葉抗名節於當時者見之宏義明公矣君諱誕字元憲安定朝邨人也昔立効長邱樹績東郡太尉裂壤於槐里司徒胙土于彤門是以車服旌其器能茅社表其勲德銘功

衛鼎騰美晉鍾盛族冠于國高華宗邁於欒郤備在史牒可略言焉曾祖重華使持節龍驤將軍梁州刺史潤木暉山方重價于趙璧媚川照闕曜奇采于隨珠祖和雍州贊治贈使持節散騎常侍車騎大將軍儀同三司膠涇二州刺史高衢將騁遽戈追風之足扶搖始搏早墜垂天之羽父璠使持節驃騎大將軍開府儀同三司隨州刺史長樂恭侯橫劍桂枿威重冠軍拏瑞蕃條聲高勃海公量包申伯稟嵩山之秀氣材

兼蕭相降昴緯之淑精據德依仁居貞體道含
章表質詎待變於朱藍恭孝爲基寧取訓於橋
梓鋒剝犀象百練挺于昆吾翼掩鴛鴻九萬奮
於溟海搏韜肯產文贍卿雲孝窮溫清之方忠
盡匡救之道同何充之器局被重晉君類荀攸
之宏曷見知魏主斯故包羅衆藝囊括羣英者
也起家除周畢王府長史榮名蕃牧則位重首
寮衮服睢陽則譽光上客旣而蒼精委馭炎運
啓圖作貳邊服寔資令望授廣州刺史

案碑作
長史

悅近來遠變輕詆于雕題伐叛懷柔漸淳化于
緩耳蜀王地處維城寄深磐石建旟玉壘作鎮
銅梁妙擇奇材以爲僚佐授公益州總管府司
法昔梁孝開國首辟鄴陽燕昭建邦肇徵郭隗
故得馳令問於碣館播芳猷于平臺以古方今
彼此一也尋除尙書比部侍郎轉刑部侍郎趨
步紫庭光映朝列折旋丹地譽重周行俄遷治
書侍御史彈違糾慝時絕權豪霜簡直繩俗寢
貪競隨文帝求衣待旦志在恤刑兕網泣辜情

存緩獄授大理少卿公巨細必察同張季之聽
理寬猛相濟比于公之無冤但禮闈務殷樞轄
寄重允膺此職實難其人授尚書右丞洞明政
術深曉治方臧否自分條目咸理丁母憂去職
哀慟里閭鄰人爲之罷社悲感衢路行客以之
輟歌孝德則師範彝倫精誠則貫徹幽顯雖高
曾之至性何以加焉尋詔奪情復其舊任于時
山東之地俗阜民澆雖預編民未行聲教詔公
持節爲河北河南道安撫大使仍賜米五百石

絹五百匹公輜軒布政美冠皇華之篇擁節觀
風榮甚繡衣之使事訖反命授尚書左丞然并

州地處參墟城臨晉水作固同于西蜀設險類

于東秦

案碑作東秦

寔山河之要衝信蕃服之襟帶

授公并州總管府司馬加儀同三司公贊務大
邦聲名藉甚精民感化黠吏畏威屬文帝劍璽
空留蠻蹕莫反楊諒率太原之甲擁河朔之兵
方叔段之作亂京城同州吁之挺禍濮上雖無
當璧之兆乃懷奪宗之心公備說安危具陳逆

隨文帝廿二年辛酉
改元此則甲子帝崩
之歲

順翻納魏勃之策反被王悍之灾仁壽四年九
月溘從運往春秋五十有一萬機起殲良之歎
百辟興喪予之悲切孔氏之山頽痛楊君之棟
折贈柱國左光祿大夫封宏義郡公食邑五千
戶諡曰明公禮也喪事所須隨由資給賜帛五
千段粟三千石惟公溫潤成性夙表白虹之珍
黼黻為文幼闕五字案碑下四
本蘊德包于四科延閣曲臺之奇書鴻都石渠
之祕說莫不尋其枝葉踐其隩隅譬越箭達犀

飾之以括羽楚金切玉加之磨闕字砥救乏同
于指困親識待其舉火進賢方于推轂知己俟
以彈冠存信捨原黃金賤于然諾忘身殉難性
命輕于鴻毛齊大小于冲襟混寵辱于靈府可
謂闕四字案碑
階參綜機闕字務豈謂世逢多故運屬道消未展
經邦之謀奄鍾非命之酷世子民部尚書上柱
國滑國公無逸以為邢闕一字案碑作山
之下闕三字案碑
表孰祭仲之闕三字案碑作墳平陵
之東誰知子孟之墓乃

雕戈勒石騰實飛聲樹之康衢永表芳烈庶葛亮之隴鍾生禁之以樵蘇賈逵之碑魏君歎之

以不朽乃作銘曰命后

關二十字 案碑下五膺期佐帝運榮經綸執

鈞匡濟門承積慶世挺偉人夜光愧寶朝采慙

珍雲中比陸日下方荀抑揚元表青史名馳碣

石聲高建禮珥筆憲臺握蘭文陛分星裂土建

侯開國輔藉正人相資懿德中臺輟務晉陽關

七字 案碑下桐城師構難太叔興戎建德効

節夷吾盡忠命屯道著身歿名隆牛亭始卜馬

猶初封翠碑刻鳳丹旆圖龍煙下關十五字永播

銀青光祿大夫歐陽詢書

右隋柱國左光祿大夫皇甫誕碑于志寧

撰歐陽詢正書金石錄謂嘗得誕墓志又

得此碑與北史及隋書參攷以正史氏之

謬又謂碑與墓志所述亦有不同墓志今

不得見碑在陝西西安府學不甚缺壞蓋

歐書中之得意者也

隋龍藏寺碑

竊以空王之道離諸名相大人之法非有去來
斯故將喻師子明自在如無畏取譬金剛信畢
竟而不毀是知涅槃路遠解脫源深隔愛慾之
長河閒生死之大海無船求渡既似龜毛無翅
願飛還同兔角故以五通八解名教攸生二諦
三乘法門斯起檢麤攝細良資汲引之風挽滿
陷深雅得脩行之致若論乾闥之城皆妄芭蕉
之樹盡空應化詎真權假寧實釋迦文闕非說

闕法之闕一須菩提豈證果之人然則習因之

指安歸求道之趣奚向如幻如夢誰其受苦如

影如嚮誰其得福是故維摩詰具諸佛智燈闕

之坐斯來舍利弗盡其神通天女之花不去

故知業行有優劣福報有輕重若至凡夫之與

聖人天堂之與地獄詳其是非得失安可同日

而論哉往者四魔毀聖六師誦法拔髮翹足變

象吞麻李園之內結其惡黨竹林之下亡其善

聚護戒比丘翻同電草持律闕三等霜蓮慧殿

仙宮寂寥安在珠臺銀閣荒涼無處離離綴彩
寧勞周客含含奏曲詎假殷人我大隨乘御金
輪冕旒玉闕一上應天命下順民心飛行而建
鴻名捐讓而斗大寶匪結農軒之陣誰徇湯武
之師稱臣妾者遍於十方弗遇蚩尤之亂執玉
帛者盡於萬國無陷防風之禍斯乃天啓至聖
大造區域垂衣化俗負辰字民昧旦紫宮終朝
青殿道高羲燧德盛虞唐五福咸臻衆貺畢集
低茹出月搖蕙含風沈璧觀書龍負握河之紀

功成治定神奉益地之圖於是東暨西漸南徂
北邁隆禮言洽至樂云和感天地而動鬼神辨
尊卑而明貴賤而尙勞已忘倦求衣靡息豈非
攸攸黔首垢障未除擾擾蒼生蓋纏仍擁所以
金編寶字玉牒綸言滿封盈函雲飛雨散慈愛
之旨形于翰墨哀愍之情發于衿抱日月所照
咸賴陶甄陰陽所生皆蒙鞠養故能津濟率土
救護溥天協獎愚迷扶導聾瞽澍茲法雨使潤
道牙燒此戒香令薰佛慧脩第壹之果建最勝

解作河

之幢拯既滅之文匡以墜之典忍辱之鎧滿二闕
字都微妙之臺充於赤縣豈直道安羅什有寄
宏通故亦迦葉目蓮聖僧斯在龍藏寺者其地
蓋近於燕南昔伯珪取其謠言闕三水母恤往
而得寶窺代常山世祖南旋至高邑而踐祚靈
王北出登望臺而臨海青山斂霧淶水揚波路
款晉而適秦途通闕一而指衛闕二之落矩步
非遙平原之樓規行詎遠尋派避世彼亦河人
幽閑博敞良為福地太師上柱國大威公之世

子使持節左武衛將闕一上開府儀同三司恒

州諸軍事恒州刺史鄂國公金城王孝僊世業

重于金張器識逾于許郭軍府號為飛將朝廷

稱為虎臣領袖諸闕一冠冕羣雋探蹟索隱應

變知機著義尚訓御之勲立勲功事勞之績廊

廟推其偉器柱石捐其大材自馳傳莅蕃建旗

字闕二招懷歎逸蠲復逃亡遠視廣聽賈琮之按

冀部賞善戮惡徐邈之處涼州異軫齊奔古今

一致下車未幾善政斯歸瞻彼伽藍非因草創

每奉敕勸獎州內士庶壹萬人等共廣福田公
爰啓至誠虔心徒石施逾奉蓋檀等布金竭黑
水之銅罄赤岸之玉結瑠璃之寶網飭纓絡之
珍臺于是靈刹霞舒寶坊雲構崢嶸膠葛穹隆
譎詭九重壹柱之殿三休七寶之宮彫梁刻桷
之奇圖雲畫藻之異白銀成地有類悉覺之談
黃金鏤楯非關句踐之獻其內閑房靜室陰牖
陽窻圓井垂蓮方疎度日曜明璫于朱戶殖芳
卉于紫墀地映金沙似遊安養之國簷隱天樹

疑入歡喜之園夜漏將竭聽鳴鐘于寺內曉相
既分見承露于雲表不求牀坐來會之衆何憂

關一

字

然飲食持鉢之侶奚念粵以開皇六年歲

次鶉火莊嚴粗就庶使皇隨寶祚與天長而地
久種覺花臺將神護而鬼衛乃爲詞曰

多羅祕藏毗尼覺道斯文不滅憑于大造誰薰
種智誰壞煩惱猗歟我皇實宏三寶慧燈翻照
法炬還明菩提果殖救護心生香樓並構貝塔
俱營充遍世界彌滿國城憬彼大林當途向術

金庭珠璣 卷八
於穆州后仁風遐拂金粟施僧珠纓奉佛結瑤
葺宇構瓊架室鳳穴槩日虹梁入雲電飛窻戶
雷驚燎焚綺籠金鏤縹壁椒薰綈錦亂色丹素
成文髣髴雪宮依稀月殿明室結幌幽堂啓扇
闕字蹲虎未窺跼龍誰見帶風蕭瑟含煙蔥蒨西
臨天井北拒吾臺川谷苞異山林育材蘇秦說
反樂毅奔來鄒魯媿俗汝穎慙能惟此大城瓌
異所踐疎鐘響度層磬露泣八聖四禪五通七
辯戒香恆馥法輪常轉

開皇六年十二月五日題寫

齊開府長兼行參軍九門張公禮之 下闕

右隋龍藏寺碑齊張公禮撰而不著書人

名字集古錄謂寺已廢碑在常山府署之

門常山卽今之真定予近以使事過之聞

府治東二里龍興寺有古銅佛一軀崇七

十二尺閣之覆者崇百有三十尺與太守

同年李君往遊其閒見殿前一古碑其趺

已沒土中讀之乃公禮 案他本皆作公禮此作公禮疑誤

文蓋寺在隋名龍藏歐公謂寺廢寺碑在常山府署蓋未嘗親歷其地故誤書耳

隋左屯衛大將軍左光祿大夫姚恭公墓誌銘

并序

廩軍內史侍郎虞世基撰文

太常博士歐陽詢書丹

公姓姚

隸土

左

姚君恭公 字諱辨字思辨武威人也導清源于瀉泃肇崇構于軒邱世字關斯字關君五世祖泓為晉所滅子孫播越居于武威曾祖讚撫軍字關冠軍將

鍾厚

軍武威太守並以碩量偉才佐時匡國父寶散

騎常侍字關山川降神象緯幼而風韻開爽志

節通亮弓殫百步之奇劔字關氣馳名遂以材

官入選周保定四年起家宗侍下士天和二年

以舟師先濟朝廷字關統營校公撫養士卒勸

課農桑莫不家實食廩人知禮節字關賞案此

五年從周武帝字關平定晉州摧殄高壁十二月

進屠并州既字關公獨為後距轉戰不衰皇興

獲安公之力也。頻蒙優賞，以累闕字。六年從定

相州，以前後功授大都督，封安養縣開國子。邑

四闕字。檢校武侯兵事，又命公隨上柱國。既拔

崇于武陟，合戰又于野馬闕字。相濟實繁，有徒

公建旆，遙征攝弓，言邁推鋒，接戰克著奇功。天

象闕字。二闕字。疑衍。開皇元年授上開府儀同三

司進爵，為公增邑為一千戶闕字。所屆即事戎

車，公誠勇奮發義，同闔外屢出奇兵，頻推醜虜

字闕字。二闕字。天府凡厥賞賜，散之士卒。三年匈奴復入

都督

原碑作鞅字不可解

涼州詔以公為行軍闕字。前後衝擊，晝夜攻圍。

校尉之井，既枯。將軍之泉，又竭。空有思梅之一闕字。

以亡為存，策勲命賞，理在不次。五年授右武

候驃騎將軍，霍去病闕字。菽如也。六年授雲州

道水軍總管，戈船掩渚，巨艦浮川。河涘肅闕字。

匪，搆崇墉，基時聳。堞相望，邊柝弗驚。控弦遠逝。

其年授使持節，河闕字。一化若神明。十年檢校疊

州總管，河州刺史，行疊州刺史。事公才略闕字。

宏政教，安民和衆。于是乎在。十二年轉授左武

候將軍尋為涼州字關五邊烽寢候毳幕旃裘望

風斂迹十六年使持節靈州總管諸軍事字關二

俗易風移政成朞月十八年授原州道行軍總

管十九年授環州道字關二總管君屢總戎律特

精邊事每秋風起塞胡騎揚塵折衝之任非公

關四二年授左武侯大將軍進爵蔡陽郡開國

公食邑一千五百戶大啓關二字案上下文

空二皇邱欽明御籙睿聖纂圖特荷天眷恩遇

隆重密勿禁衛知無不為字關三威等同進位大

莫能

其年有三字誤下至
性向意不相屬恐為有
缺誤

乃令公以句注字強以
亦有誤

將軍左武侯大將軍如故三年以母憂去官其

年有字關二孝性自天幾於毀滅僴勉王事杖而

後起四年以官方草創授金紫光祿大夫上光

祿大夫如故車駕北巡諸蕃朝朔以舊典糾察

整肅軍容乃令公字關旌門洞張內外肅然事

嚴細柳吐谷渾大保五期尼樂周等率眾歸附

關鑿蹕西幸底定渾國乃以公為鬱卑道將

軍旗鼓所振莫不摧殄俘字關二右光祿大夫左

屯衛大將軍如故乃獻凱廟庭禮崇備物六軍

之長車駕南巡江都以公京師畱守職居爪牙
任惟心膂出處崇重朝野榮之大業七年三月
邁疾十九日薨于京兆郡春秋六十有六惟公
體量宏達關二字興義造次弗違虛已推賢始終
同致加以雄圖恢廓奇略宏遠氣有餘勇莫之
與抗善于御撫得士卒之心長于政術致廉平
之美自入統禁旅出關二字所夙夜匪懈簡在帝
心至於敬友穆親輕財貴義家稟誠孝奉以周
旋訓不與善遽此歸全知與不知莫不流涕粵

以其年十月癸丑朔二十一日關一字葵有詔故左
屯衛大將軍右光祿大夫姚思辨性理和謹秉
心恭慎歷仕關二字式表哀榮可贈左光祿大夫
又蒙賜物八百段粟麥一千石諡曰恭公乃為之銘
祀關一字長瀾若水遠馥薰風時賢繼及世德斯
隆勤王成務啓羈垂功炳靈不已關二字冥照落
鴈窮能通援盡妙蹶張選勇期門待詔職分七
萃官聯五營關二字陪衛出擁高旌汜水兵略常
山陳勢卓犖明謀沈深節制功有必取算無遺

計闕恩寵頻赫身名執恭履順守滿持盈方

陪配岳遠掩佳城遊魂不歸逝川闕春秋遞

代徽猷永遠萬文詔刻字

右隋左屯衛大將軍姚辨墓誌銘虞世基
撰歐陽詢正書志稱辨精於邊事屢立大
功蓋老將也其官至大將軍而死諡恭公
爵亦尊矣而隋史不為立傳向非率更之
書後世不復知有辨此古人墟墓之文所
以必托之名筆豈無意耶

案此碑原刻久不可得今惟後人重刊本
尚傳於世字雖完好已失此碑真面目矣
南濠所藏當是舊搨但不載書撰人姓名
文亦殘闕難讀惜無原碑無從考證若以
今本足之文義往往不相聯屬至以光祿
大夫為光大夫訓否與善為訓與不善其
謬誤尤甚始知今本乃庸妄人所作以欺
世者殊不足據因悉仍其闕惟碑題後書
撰人二行
補錄焉

隨江夏縣緣果道場塼塔下舍利記

夫至理空冲尋求之源悠緬法身寂寞無方之
應奄臻至如花疊未燃駐影畱髮香薪已燎散
體分形故有寶塔珍龕崔嵬四園之上雲興地

金齋珠玉 卷八
三
踊照曜八國之中俾我聖迹未之湮墜緣果道
場者梁天監十二年太歲癸巳長史劉端捨宅
爲寺有命過僧歸闍梨盡心建造闍梨降自江
關字一氏族未詳戒慧總持甚有靈驗于是鴻基
勝趾締構日新三業薰脩七財具足以今大隨
大業九年昭暘之歲江夏縣緣果鄉長劉大懿
等遵依敕旨共三鄉仕民奉關二齊與道場七
層塼塔一所安鎮此地次有清信弟子黃慧龔
慧俊慧達等兄弟竝德關一佳雅難兄難弟誓

立五根願宏四事于所住宅福瑞累彰亡父于
大業三年二月乃于食內感舍利一枚大小相
權觀茲希有安止水器且浸且浮旋遶久之光
明遍室頂戴虔禮日申供養到七年正月俊女
雞娘又感二枚斯實迹現難思抑聞圖籍次有
弟子李藥王信首宿馳賢才簡疋雖室無瑞井
手闕金錢每用放濟居心傾捨爲業以開皇廿
年行至常州境感舍利一枚到大業五年於所
住宅又感二枚昔者阿難捧面如來讚其希有

金華玉 卷八
康會瓶寫吳主嗟其神異詢諸經誥今古同符
以今季夏六月八日奉送散身永窆基下衆緣
贊助普設大齋方俟七級巍峩接霄房而颺采
九盤煜曜韻寶鐸而流聲上資帝朝爰洎遐邇
設使芬盡方城五分之身常住石銷天袂金剛
之地嶷然敢忘議善乃爲銘曰

茫茫宇宙悠悠世間九地銜海四

闕二字

山三途

有獄五道無關魂隨動泊識

闕一字

循還至聖何

像嶷尔淡泊示現無方迦維垂迹等救燒燃通

悲幽溺息衆權城椎輪火宅八十化盡天人喪
師撫膺雨淚香水

闕一字

毗四王典護八國均持

機緣靡隔靈祥俟時坊墳式建層表臨空非因
鬼力詎假神工金盤仰露寶鐸搖風山移川徙
徽業興隆

右隋江夏縣緣果道場塼塔記無書撰人

氏名記中載舍利瑞應之事不一此非吾

之所知但隋碑之傳世者絕少以予嗜好

之篤集錄之勤三十年間所得隋碑惟皇

甫府君龍藏寺姚辨墓誌及此而已

瘞鶴銘 并序 原本無今增入

華陽真逸撰

上皇山樵書

鶴壽不知其紀也壬辰歲得於華亭甲午歲化於朱方天其未遂吾翔寥廓耶奚奪余仙鶴之遽也迺裹以元黃之幣藏乎茲山之下仙家無闕三我闕一故立石旌事篆銘不朽詞曰闕相此胎禽浮邱著經余欲無言爾也何明雷門

去鼓華表畱形義唯仿佛事亦微冥爾將何之

解化闕二西竹法里厥土惟寧後蕩洪流前固

重局左取曹國右割闕二山陰爽塏勢掩華亭

爰集真侶瘞爾作銘

闕一岳徵君 丹陽外仙尉 江陰真宰

右梁陶宏景正書瘞鶴銘刻京口焦山西

南之麓下臨江水余宏治甲子嘗遊焦山

問僧銘之所在則云已崩裂墮江雖水落

亦不復見余信之載其語遊山記中正德

金華瑤瑤 卷八 九
丁丑冬再至京口錢逸人德孚爲余言嘗
識其處余既驚喜且自笑昔爲僧所誑遂
與德孚及鄉貢士俞貞明渡江踏雪尋之
果得於石壁之下可讀者僅二十字因搨
以歸未至銘數十步崖上有宋嘉熙二年
陸放翁題字云踏雪觀瘞鶴銘乃知昔人
好奇已先於余銘殘闕而錄其全文好奇
之士庶幾同一快也

瘞鶴銘見稱于世不在蘭亭之下但以僻

在荒寂山僧憚于摹搨給云崩裂墮江人
閒旣少其本雖京口士大夫往來山中亦
以僧言爲信吾師南濠先生家藏碑刻甲
於東南嘗錄其文悉加題品爲金薤琳琅
凡數十卷獨以未得此銘爲恨邇者放舟
京口冒雪渡江果得于山石之下親搨以
歸由是此銘復傳人間而僧亦不能隱矣
昔姜白石有蘭亭考俞壽老有蘭亭續考
元慶敢竊其義取古今論辨緝爲一編名

之曰瘞鶴銘考天下後世豈無同予之好者乎正德戊寅正月十日姑蘇顧元慶書

攷都公跋并大石山人題後並見于家退谷先生瘞鶴銘考而此書獨闕豈作于書成之後耶此銘書譌姓名千古莫定而所得字數亦有多寡不同自本朝陳滄洲先生出之沙石之中文義略備南濠所見僅二十字不知如何今依退谷先生本錄之即跋中所云銘殘闕而錄其全文之意也汪日葵識

金薤琳琅卷八

金薤琳琅卷九

太僕少卿吳郡都穆

唐洛陽令鄭府君碑

唐杳冥君銘

唐郎官石記序

唐故洛州洛陽縣令鄭府君碑

觀夫道周通變青史徽其德庸業濟彝倫丹圖

叙其景象所以昭晉長世歲蕤大流而樹聲之

字缺一爰存相質之端蓋闕使夫觀巨仲之行者

寒山題云

關大智禪師碑

嚴挺之文 史維則隸書

金薤琳琅 卷八

金薤琳琅

卷九

一

勵思齊之高懷隨會之功者識與歸之塋著爲
不朽文在茲乎公諱敞字仲高滎陽開封至澧
鎬爲都彌鄆獻邑作邦作對策因謀朝之謂才
乃公乃侯服冕乘軒之謂貴門高階峻慶積祚
流太尉卑躬置屏風而入坐尙書納諫曳革履
而昇朝思元之憂因恤至平卿之刺邪矯枉百
世之盛莫之與京高祖先護後魏雍州刺史尙
書右僕射驃騎大將軍儀同三司襄城公行高
言象之表道合運期之數曾祖偉後魏龍驤將

軍北徐州刺史中軍將軍侍中滎陽守襄城公
祖大仕隨上開府儀同三司驃騎將軍渠州刺
史襄城公並文藝武節光因贊時方龍舟於巨
川得騏驥於大路父仁基隨通事舍至研深機
以開務邁宏操以範俗公降巖廟之宏器蹈珠
玉之朗節化其羽翼旣收四見之奇伐其條枚
匪辭一覲之速貞觀七季制策高第登越州都
督府參軍事探其洞穴史思識微禹之功步彼
高衢而子得遺風之乘入除左領軍衛兵曹又

遷潞州司功參軍事六軍七校戎政孔殷十命

三牒

缺五字

府邑之靈氣流滎波之純液直躬

色清嚴凜乎秋霜抱質懷文英穎彬於夏采挹

損以宏己寵辱若驚靖恭以臨至敬慎如祭

缺四字

字

宗望推重召爲通事舍至畱疾不拜轉瀛州

清苑令公以爲立長以爲官也非立官以爲長

也於是明察以斷忠信以寬姦利息機則俗化

醇厚浮末不鬻則至用豐殷舌以立身清逾十

仞言必顧義寶過盈尺故至有神明之敬

缺一字

有父母之親欣詠終朝石碑在頌又爲岐州雍

縣令政如清苑亦有德碑又除益州新繁令加

朝散大夫入爲司禮員外郎增秩小黃歸大夫

之顯祿拔奇禮學綜郎官之明祀轉駕部郎中

檢校洛陽令俾又都至掌徭輦政京大師衆禁

疎網闊情有萬源道難一貫公綜理殷劇馭煩

以簡高義侔於昇雲明道著於夏^②旌發伏隱

察銖兩之奸導揚滯美盡銜筴之利化其善教

戎至楚言懷其令聲蟹匡蠶績加以勵精聽斷

之術側席俊秀之才稜威於七貴五侯滅私於
四隱六戚令至除雪既察孝廉行馬療寒卽收
門士權豪由其斂手雞犬所以罕音王渙已來
政風曠絕稱職之美復存於公朝以爲能舌除
洛陽縣令無何丁太夫至憂服勤過禮執喪惟
病凶極之心應於木石天降大感光覆不追春
秋六十九儀鳳三季十一月十七^乙終於萬季
縣之來庭里第嗚呼哀哉身以大周久視元季
龍集庚子六月戊寅朔七^乙甲申遷窆於洛陽

北邙山之平樂原禮也惟公履仁居德韞風懷
雅宏達不器包容無方牆隩之深則幽室十扉
洞房百牖言之重則商湯之駟夏后之璜故
能參神明以長至順^乙月以曜物剛直以斷金
之精也溫潤以潔玉之符也方弼承帝則運平
而機致君唐虞之上書美荆越之竹豈徒校才
班伯願試定襄之煩比義野王求領長安之劇
而信順原本此下空十三字非碑泐乃板而逾
毀陽烏假道過峻岐而不息崩獺慕於霜露歸

精靈於

字缺

一

辰昔鄭相云亡捨玦悲於東里羊

公既歿罷市慟於南州瞻古揆今不之遠也飾
終以薄遺令在言時服編書與揪衣而共下含
珠連玉同瓦器而不藏長子朝議大夫行果州
司功參軍諱第二子越州都督府士曹參軍諱
第三子符寶郎諱第四子太子典設郎諱第五
子宋州司功參軍訢等罄節勵行彥士高其式
模積學儲寶詞在貴其淵洽州間化其邕穆神
明通其孝悌思所以揚德來裔垂文永垂託之

不刊以申冈極我聞有命敢作銘云

遷周從彌爲公作伯漢台晉袞邦基政本繼期
生愆時惟我君猶彼靈鳳翰飛紫氛行高德廣
如山如雲會不助順愍畱斯文北山伐石西邨
負土撤殯毀宗遷車奠祖羣子克孝墳塋終古
蓼莪長號誰謂荼苦

大周久視元乘六月七日建鳳閣舍在河

東薛稷爲文并自書丹

右唐洛陽令鄭倣碑薛稷撰并正書碑稱

金華珠璣 卷九 五
做上世皆為顯官而做之為令綽有政績
惜乎唐史無傳稷譔此碑在武氏久視元
年故碑中之字如地作塋天作而人作至
臣作惠國作囿授作覲正作舌日作㊸年
作垂之類皆武氏所製故當時臣下用之
非天子不考文此亦可見武氏僭竊之罪

唐杳冥君銘

悠悠洛邑眇眇伊壘屢移寒暑頻經歲年丹壑
幾變陵谷俄遷不覩碑碣空悼蘿煙其時代攸

徒寧窮姓氏匪辯

缺二字

誰分朱紫翠墳全缺玄

扃亦毀久歇火風爰歸塋水

其二

靈跡難訪莫知

其狀彷彿窆臺依稀泉帳草積坵隴松高巖嶂
乃眷幽途彌增悲愴其三于彼兆域是生荆棘松

劍猶存榆錢可識覽物流

缺三字

太息欲致禮於

營魂聊寄言於翰墨

太唐神功元年丁酉歲十月一日鳳閣舍

拾區壹

人薛稷譔并正書

右唐杳冥君銘鳳閣舍人薛稷譔并正書

金華珠璣 卷九 六

此銘集古錄不載歐陽公蓋未之見趙氏金石錄雖列其目而云無書撰人姓名則亦不知其爲稷也

銘文但云悠悠洛邑眇眇伊壘又云靈跡難訪莫知其狀則稷未嘗真知墓地蓋汎然而銘之耳後讀陳子昂集見其冥冥君墳記云皇帝因登緱山望少室尋古靈迹得王子晉之遺墟在永水之層曲欲開石室營壽宮庀徒方輿得古藏焉內有甃瓦

長二丈二尺闊八尺中有古劔一銅椀一瓦器二又有古五銖錢朱漆片及棖撥之應手灰滅卽具物備容還定舊壙哀其銘志磨滅姓位不顯乃錫之名曰冥冥君云觀子昂文則墳嘗發於武氏拚而錫之以名亦武氏也夫以殘酷不仁之人而能爲此此固死者之幸但稷曰杳冥此曰冥冥蓋杳冥冥冥無二義也

唐尙書省郎官石記序

朝散大夫行右司員外郎陳九言撰

吳郡張旭書

夫上天垂象北極著於文昌先王建邦南宮列
爲會府六官旣辯四方是則大總其綱小持其
要禮樂刑政於是乎達而王道備矣聖上至德
光被睿謀廣運提大象以祐生人躬無爲以風
天下三台淳曜百辟承寧動必有成舉無遺策
年和俗厚千載一時而猶搜擇茂異網羅俊逸
野罄蘭芳林殫松秀盡在於周行矣夫尙書郎

廿四司凡六十一人上應星緯中比神仙咸擅
國華以成臺妙修詞制天一之議伏奏爲朝廷
之容信杞梓之藪澤衣冠之領袖頃朝榮初拜
或省美中遷昇降年名各書廳壁訛誤多矣總
載闕如非所以傳故實示不朽者矣今諸公六
聯同事三署並時排金門麟華轂鸞踏鳳跼肩
隨武接而不因僉謀補其闕典其於義也無乃
太簡乎左司郎中楊公慎餘於是合清論創新
規徵追琢之良工伐荆藍之美石刊刻爲記建

於都省之南榮斷自開元廿九年咸列名于次
且往者不可及來者不可遺非貴自我蓋取隨
時班位以序昭其度也豐約從宜昭其儉也俾
夫金石長固英華靡絕不編班固之年自然成
表未讀馬卿之賦已辯同時不其偉歟

開元廿九年歲次辛巳十月戊寅朔二日
己卯建

右唐尚書省郎官石記序右司員外郎陳
九言撰張長史正書歐陽公謂長史以草

書知名此字真楷可愛曾南豐謂其精勁
嚴重出於自然如動容周旋中禮非強爲
者元王文定公謂張公得草聖不傳之妙
其真書在唐乃復精絕顏魯公書學氣侔
造化楷法蓋得之於公又謂其字體似出
歐虞自成一家宋龔明之中吳紀聞云長
史蘇人承平時碑在蘇學中堂之後已漸
剝剝兵火後不復存矣元商德符云石刻
舊在京兆今亡觀明之及商氏之說則此

刻在宋元固已艱得予家所藏本未知其
出於蘇學或出京兆皆不可知但歷年久
遠而紙墨完好誠希世物也

金薤琳琅卷九

金薤琳琅卷十

太僕少卿吳郡都穆

唐臧尙書碑

唐元靖李先生碑

唐故右武衛將軍贈工部尙書上柱國

上蔡縣開國侯臧公神道碑銘 并序

金紫光祿大夫行撫州刺史上柱國

魯郡開國公顏真卿撰并書

翰林待詔光祿卿李秀巖篆額

完解對通

金苑珠璣 卷十
公諱懷恪字貞節東莞人其先出于魯孝公之
子彊字子臧大夫不得祖諸侯其孫以王父字
爲氏僖哀二伯既納忠於魚鼎文武兩仲亦不
朽於言哲丈人成功而遁迹子原抗節而捨生
義和辭金飾之器榮緒奮陽秋之筆賢達繼軌
紛綸至今曾祖滿隋驃騎將軍祖寵碑空皇通議
大夫靈州都督府長史父德朝散大夫贈銀州
刺史咸務遠圖克開厥後恤允之慶世祀宜哉
公卽銀州之第三子也身長六尺一寸眉目雄

朗鬚髯灑秀雅善騎射尤工尺牘沈靜少言寬
仁得衆奇謀冲邈英勇冠倫友于弟兄謹爾鄉
黨每敦詩而執禮不苟柔以吐剛莅事而剖判
泉流臨戎而智略鋒起古所謂文武不墜高明
有融者焉少以勲勞亟紆戎級開元初嘗遊平
盧屬奚室韋大下公挺身與戰所向摧靡繇是
發名元宗聞而嘉之拜勝州都督府長史銳精
佐理絜矩當官朔漠不空邊隅用乂俄拜左衛
率府左郎將轉右領軍中郎將兼安北都護中

受降城使朔方五城都知兵馬使戎事齊足十萬維羣我伐用張軍威以肅由是深爲節度使王峻所器奏充都知兵馬使嘗以百五十騎遇突厥斬啜八部十萬餘衆於狼頭山殺其數百人引身據高環馬禦外虜矢如雨公徒且殲遽而給之曰我爲臧懷恪勅令和汝何得與我拒戰乎時僕固懷恩父設之適在其中獨遮護之諸部落持疑不肯公封羊以盟之杖義以責之衆皆感激由此獲免遂與設之部落二千帳

來歸後充河西軍前將盤禾安氏有馬千駟怙富不虔一族三人立皆毆斃軍州悚慄疇敢不

祇

使

字缺何爲節度相國蕭嵩所賞後充河源軍使

兼隴右節度副大使關西兵馬使拜右武衛將軍吐蕃不敢東向者累年俄封上蔡縣開國侯開元十二年歲次甲子春二月二十有六日薨于鄯城之官舍享年五十六其年八月二十三

日詔曰故具官某頃以幹能亟承任使操行逾謹勞効未酬不幸遷殂良增追悼可贈右領軍

金華瑯琊 卷一
三
衛大將軍卽以其年冬十月庚戌遷窆于京兆府三原縣北原禮也嗚呼公兄左羽林軍大將軍平盧副持節懷亮以方虎之材膺爪牙之任孔懷斯切致美則深七子游擊將軍崇仁府折衝希崇豐州別駕贈宋州刺史希昶左武衛將軍朔方節度副使贈太子賓客希忱右衛左郎將劔南討擊副使贈汝州刺史希愔右驍衛郎將靜邊軍使贈祕書監希景寧州刺史左金吾衛將軍贈揚州大都督希晏開府儀同三司行

太子詹事兼御史大夫邠寧山南觀察使集賢待制工部尙書渭北節度使魯國公希讓等夙漸詩禮恭承教義芬潤挺蘭玉之姿英威鸞虬瀾之質而希讓識度宏遠器謀沈邃仁親以孝殿國以忠綽裕冠於人倫勲勞懋於王室至德中今上爲元帥東伐肇允押牙從收兩京陟降左右入侍帷幄旣崇翼戴之功出擁麾幢載叶澄清之寄加以篤睦羣從紕綏宗族吉凶瞻恤終始無渝行道之人孰不嗟尙肅宗以公有謀

金華珠璣 卷一 四
翼之勤乾元三年春三月贈魏州刺史寶應元
年冬十月又贈太常卿廣德元年冬十月詔曰
孝以立身可揚名於後代忠能事主故追榮而
及親開府儀同三司兼御史大夫元帥都虞候
魯國公臧希讓亡父贈太常卿懷恪業茂勲賢
地華簪紱佩忠信而行已包禮樂以資身守節
安卑幽貞自處養蒙全正聲利不營雖與善無
徵促靈悲於逝晷而積善垂裕餘慶光於後昆
故得業濟艱難功參締構碑空出有藩條之寄入

多爪牙之任位以德遷禮宜加等父由子貴贈
合超倫宜登八座之榮式慰九原之路又贈工
部尚書褒異之典於斯爲盛臧氏自驃騎而下
世以材雄朔陲尚書旣還特以功懋當代兄弟
子姓姪勲賢閒出自天寶距開元乘朱輪而拖珪
組者數百人迨于今茲繁衍彌熾縮軍州而握兵
要者相望國都有後之慶固殊異於他族者矣
真卿早歲與公兄子謙爲田蘇之游敦伯仲之
契晚從大夫之後每接嘗寮之歡故公之世家

竊備聞見、敢述遺烈、將無媿辭、銘曰、公之壯歲、魯史褒者、臧孫有之、陳魚則諫、納鼎以規、歿貴言立、時稱聖爲、仁昭典墳、智叶蓍龜、世濟忠肅、字缺光光羽儀、以至夫公、英明雄毅、鸚視騰彩、龍

驤作氣、鋒淬霜棱、妙窮金匱、謀猷泉寫、翰墨風駛、儒勇是兼、勲庸以位、介馳戎馬、猛奮虓虎、絕漠援孤、連兵戰苦、萬虜鳴鏑、紛紛如雨、一身抗詞、諤諤連柱、精貫雲日、氣雄鉦鼓、狄人義激、僕固誠全、眇漫窮裔、隨降幾千、野靜沙雪、風恬塞

煙、我騎如雲、我旗連天、牧無南向、凱有北全、天子休之、命侯開國、謂福而壽、康衢騁力、奚命之遭、幽扃是卽、十城玉折、萬里鵬息、陣雲蒼蒼、日暮無色、令人趨奉、天眷孔明、九原不作、八座哀榮、勇列徽範、芳時懿名、里成冠蓋、族茂簪纓、萬古千祀、瞻言涕零

右唐臧尙書墓碑顏魯公撰并正書尙書墓在陝西之三原縣顏公此刻人間少傳予向以使事道陝得之尙書七子希崇希

前面十九行世核
完研對面

旭希忱希歆希景希晏希讓皆爲顯官而
希讓至魯國公顏公文集復有臧氏糾宗
碑書七子官爵與此不同

有唐茅山玄靜先生廣陵李君碑銘

并序

金紫光祿大夫行湖州刺史上柱國

魯郡開國公顏真卿撰并書

先生姓李氏諱含光廣陵江都人本姓宏以孝
敬皇帝廟諱改焉二十一代祖宏江夏太守避
王莽徙居晉陵遂爲郡人高祖文疑陳桂陽王

國侍郎曾祖榮皇朝雷州司馬祖師龕隱居以
求其志徙于江都父孝感博學好古雅修彭聃
之道與天台司馬鍊師子微爲方外之交尤以
篤順字缺一著于州里考行議諡曰正隱先生母

琅邪王氏賢明有德行先生孩提則有殊異晬
日獨取孝經如捧讀焉羈舛好靜處誦習墳典
年十八志求道妙遂師事同邑李先生遊藝數
年神龍初以清行度爲道士居龍興觀尤精老
莊周易之深趣執喪過哀口不嘗甘旨之味食

惟穡麥而已封植膳羞皆經其手號毀骨立親族莫不傷之開元十七年從司馬練師於王屋山傳授大法靈文金記一覽無遺綜核古今該明奧旨元宗知先生偏得子微之道乃詔先生居王屋山陽臺觀以繼之歲餘請居茅山纂修經法頻徵皆謝病不出天寶四載冬乃命中官齋璽書徵之既至延入禁中每欲諮稟必先齋沐他日請傳道法先生辭以足疾不任科儀者數焉元宗知不可強而止先生嘗以茅山靈跡翦

焉將墜真經祕籙亦多散落請歸修葺乃特詔於楊許舊居紫陽以宅之仍賜絹二百疋法衣兩副香爐一具御製詩及序以餞之又禁於山側採捕漁獵食葷血者不得輒入公私祈禱咸絕牲牢先生以六載秋到山是歲詔書三至渥澤頻繁輝映崖谷初山中有上清真人許長史楊君陶隱居自寫經法歷代傳寶時遭喪亂散逸無遺先生奉詔搜求悉備其跡而進上之先時元宗將求大法請先生爲師先生竟執謙沖

右旁四行

辭疾而退字缺七載春元宗又欲受三洞真經以其年春之三月中官齋璽書云其月十八日尅授經誥是日於大同殿潔修其事遂遙請先生爲元師并賜衣一襲以申師資之禮因以元靖爲先生之嘉號焉仍詔刻石於華陽洞宮以志之是歲夏五月隱居先生合丹之所有芝草八十一莖散生於松石之間詔俾先生於中官啓告靈仙緘封表進夏又詔以紫陽觀側近二百戶太平崇元兩觀各一百戶並蠲其官徭以

後面十九行

供香火秋七月又徵先生旣至請居道觀以養疾九載春辭歸舊山其年夏六月前生靈芝之所又產三百餘莖煌煌秀異人所莫覩先生又圖而奏之是歲冬又徵先生於紫庭別院館之十載秋先生又懇詞告老御製序詩以餞之十有一載先生奉詔與門人韋景昭等於紫陽之東鬱岡山別建齋院立心誠肅是夜仙壇林間遍生甘露因以上聞特詔嘉異初隱居先生以三洞真法傳昇元先生昇元付體元先生體元

金華瑣瑣 卷十 九
付正一先生正一付先生自先生距於隱居凡
五葉矣皆總習妙門大正真法所以茅山爲天
下道學之所宗矣於戲是非可齊也物我均焉
生死可忘也覺夢同焉如此者何域心於變化
之際哉先生以大歷己酉歲冬十一月十有四
日遷化於茅山紫陽之別院春秋八十有七其
年十二月八日門人赴喪而至者凡數千人號
奉冠舄遷窆于雷平山之西陲遺命以松棺竹
杖木几水瓶香奩香鑪置於藏內門弟子等仰

奉嘉猷克遵儉德先生識思真淳業行高古道
窮情性之本學冠天人之際所以優游句曲鬱
爲王者之師出入明庭特寵肩輿之貴是知順
風而問昔稱於皇帝望山而請今見於元宗矣
又博覽羣言長於著撰嘗以本草之書精明藥
物事關性命難用因循著音義兩卷又以老莊
周易爲潔靜之書著學記義略各三篇內學記
二篇以續仙家之遺事皆名實無違詞旨該博
初先生幼年頗工篆籀而隸書尤妙客或賞之

云賢於其父因投筆不書元宗詔山人王叟強請先生楷書上經一十三紙以補楊許之闕先生能於陰陽數術之道而不以藝業爲能極於轉鍊服食之事而不以壽養爲極但冥懷素樸妙味元津非夫博大之至人孰能盡於此真卿乾元二年以昇州刺史充浙江西節度欽承至德結慕元微遂專使致書於茅山以抒誠懇先生特令韋鍊師景昭復書於真卿恩眷綢繆足勵超然之志然宗師可仰望紫府而非遙王事

不遑寄白雲而攸遠洎大歷六年真卿罷刺臨川旋舟建鄴將宅心小嶺長庇高蹤而轉刺吳興事乖夙願徘徊郡邑空懷尊道之心瞻望林巒永負借山之記而景昭洎郭闕等以先生茂烈芳猷願銘金石乃邀道士劉明素求託斯文真卿與先生門人中林子殷淑遺名子韋渠牟嘗接采真之遊緒聞含一之德敢強名於蒼黨曷足辯於鴻蒙其詞曰抱一混茫人之紀綱先生以之氣王神強乃啓

金華瑣瑣 卷一
元旨元門以彰乃爲帝師帝道惟康甘露呈瑞
靈芝効祥上士云感高風再揚鶴返仙廟雲辭
帝鄉退歸而老妙識行藏德本無累道心有常
實曰形解孰云坐忘伐石表墓勒銘傳芳谷變
陵遷厥跡彌光

大歷十二年夏五月建渤海吳崇休鐫
右唐元靖李先生碑顏魯公撰并正書碑
稱隱居先生以三洞真法傳升元先生升
元付體元先生體元付正一先生正一付

先生自先生距隱居凡五葉矣今考之隱
居先生者梁陶宏景升元爲王遠知體元
爲潘師正正一爲司馬子微三人唐書有
傳惟元靖無之予嘗遊茅山至玉晨觀其
前有雷平池池南爲伏龍岡元靖葬其上
碑今在觀中四周皆刻文字道士以亭覆
之

金薤琳琅卷十



